

金

石

萃

編

金石萃編卷一百四十四

賜進士出身 誥授光祿大夫刑部右侍郎加七級王昶撰

宋 二十二

元祐黨籍碑

碑有二本一是裴本正書隸額有饒跋在靜江府一碑高六尺廣三尺一寸五分行字多寡不等正書額題元祐黨籍碑五字亦正書後有沈跋在融縣

皇帝嗣位之五年旌別淑慝明信賞刑黜元祐害政之臣靡有佚罰乃命有司夷考罪狀第其首惡與其附麗者以聞得三百九人 皇帝書而刊之石置於文

德殿門之東壁永為萬世臣子之戒又 詔臣京

書之將以頒之天下臣竊惟 陛下仁聖英武遵

制揚功彰善癉惡以昭先烈臣敢不對揚 休命

仰承 陛下孝悌繼述之志司空尚書左僕射兼

門下侍郎臣蔡京謹書

元祐姦黨

文臣

曾任宰臣執政官

司馬光 故 文彥博 故 呂公著 故 呂大防 故

劉摯 故 范純仁 故 韓忠彥 會布 梁燾 故

王巖叟 故 蘇轍 王存 故 鄭雍 故 傅堯俞 故

趙瞻故 韓維故 孫固故 范百祿故 胡宗

愈故 李清臣故 劉奉世 范純禮 安燾 陸

佃故 黃履故 張商英 蔣之奇故

曾任待制以上官

蘇軾故 劉安世 范祖禹故 朱光庭故 姚勳

故 趙君錫故 馬默故 孔武仲故 孔文仲故

吳安持故 錢總故 李之純故 孫覺故 鮮

于侁故 趙彥若故 趙商故 王欽臣故 孫升

故 李周故 王汾故 韓川故 顧臨故 賈易

呂希純 曾肇 王覲 范純粹 呂陶 王古

豐稷 張舜民 張問故 楊畏 鄒浩 陳次

斗 謝文瓘 岑象求故 周鼎 徐勣 路昌衡

故 董敦逸故 上官均 葉濤故 郭知章 楊

康國 龔原 朱紱 葉祖洽 朱師服

餘官

秦觀故 黃庭堅 晁補之 張耒 吳安詩 歐

陽棐 劉唐老 王鞏 呂希哲 杜純故 張保

源 孔平仲故 據宋史新編及續資治通鑑
此下接湯敏等四十八人 衡鈞 袁公適

故 饒本表誤作充宋史新編
亦誤作充據沈本改正 馮百藥沈本及新編
馮誤作洪 周誼

孫琮 范柔中 鄧考甫 王察 趙洵 封覺民

故

胡端修 李傑 李賁 趙令時 郭執中

石芳 金極 高公應 安信之 張集 黃策

吳安遜 周永徽 高漸 張夙 故 鮮于綽 呂

諒卿 王貫 朱紘 吳朋 故 梁安國 王古

蘇迥 檀固 何大受 王箴 鹿敏求 江公望

曾紆 高士育 鄧忠臣 故 种師極 韓治

都貺 秦希甫 錢景祥 周綽 何大正 呂彥

祖 梁寬 沈千 曹興宗 羅鼎臣 劉勃 王

拯 黃安期 陳師錫 于肇 黃遷 万俟正 沈

作莫快正饒本及新編俱作莫快皆誤今据續資治通鑑崇寧五年正月庚戌選人呂亮卿等注內改正 許堯輔 楊朮

胡良 梅君俞 寇宗顏 張居 李脩 逢純

熙故 高遵恪 續通鑑作遵 裕今依元本 黃才 曹盥 侯頤道 新編

作製 周遵道 林膚 葛輝 故 宋壽岳 王公彥

王交 張溥 許安修 劉吉甫 胡潛 董祥

楊瓊寶 新編作 寶 倪直孺 蔣津 王守 鄧允中

沈本及新編 俱作元中 梁俊民 王陽 新編及續通鑑 此下接張裕 陸表民 葉

世英 張裕 謝潛 陳唐 劉經國 故 湯馘 故

司馬康 故 宋保國 故 黃隱 畢仲游 常安

民 汪衍 余爽 鄭俠 常立 程頤 唐義問

故 余卞 李格非 陳瑾 任伯雨 張庭堅

馬涓 孫鴻故 陳邦 朱光裔 蘇嘉 龔夫饒本

史 誤作 王回故 呂希績故 吳儔故 歐陽中立故

尹材故 葉伸故 李茂直 吳處厚故 李積

中 商倚故 陳祐 虞防 李祉 李深 李之

儀 范正平 曹益 楊琳 蘇昞 葛茂宗 劉

謂 柴袞 洪羽 趙天佐新編作 天佑 李新 扈充故

續通鑑 作 登允 張恕 陳并 洪芻 周錡新編及續通 鑑俱作 譌 蕭

利 趙越新編 作 鉞 滕友 江洵 方适續通鑑 作 方括 許端

卿 李昭玘 向紉續通鑑 作 向訓 陳察 鍾正甫 高茂

華 楊彥璋 廖正一 李夷行 彭醇 梁士能

武臣

張翼 李備故 王獻可故 胡田 馬諗 王履

趙希夷 任潛 郭子旂 錢盛 趙希德 王

長民 李永故新編作李水 王庭臣 吉師雄 李恩

吳休復故 崔昌符 潘滋 高士權 李嘉亮

李琬續通鑑作王琬 劉延肇 姚雄 李基

內臣

梁惟蘭故 陳衍故 張士良 梁知新故 李俸

譚辰 竇鉞 趙約 黃卿從續通鑑作王卿無從字 馮說

曾燾 蘇舜民 楊偶 梁弼 陳恂 張茂則故

張琳 裴彥臣 李偁故 閻守勲 王紱 李

穆 蔡克明 王化基 王道 鄧世昌 鄭居簡

張祐續通鑑作吳祐 王化臣沈本無据

為臣不忠曾任宰臣

王珪德本無据 章惇沈本增

元祐黨議

口其當者所謂公論天地並存日月並明亘億萬年
矛盾馳互此脉終不可亂欲勢力變置之有是哉

徽宗固隨 高宗亦繼 昭雷觀國史謂 實錄及

論公家傳等書大氏有攷慶元戊午備末口口林

始獲識 左丞梁公之曾孫府鈴轄律愛其有前輩

風度相與光曜暇日從容及籍中名氏因謂欲刻諸石便報傳夫前此一時之屈而後此萬世之伸其所得孰多然惟是焉計淺之爲丈夫耳非所施於昔賢特碑苟無恙彼小人者有所口惠其于蠆君子本以利己浮說定罪惡口位而至於我生道家魁死貽鬼誅蓋至口其邪心要少交明斯舉也似不無補歲九月旦吉川饒祖堯敬跋 鐫于龍口巖刊者王俊元祐所立姦黨碑以司馬溫公爲首一旦爲雷所霹張山人有詩昨夜風雷起擊碎奸黨碑若問張山人

不知事文類集

元祐黨籍碑一卷蔡京元長所書也崇寧初京在相府追憾元祐諸賢乃籍司馬光以下三百九人指爲奸黨請徽宗書而刻之又自書頒於天下俾各刻石以示後世京之意蓋欲污蔑諸賢使其子孫亦有餘辱也抑豈知公論之在人心者終不可泯至於摩挲遺刻歷數姓名粲然若繁星之麗天雖其子孫亦以祖父得與涑水伊川聯名爲榮曾不以爲辱也嗚呼愛憎之私果何以掩是非之公邪京可謂謬用其心矣碑之所列德業無聞者居多然賴此碑之存而天

下後世知其爲君子之黨是則京之詆之乃所以譽
之也歐陽子有言彼讒人之致力乃借譽而掄揚豈
不信哉雪川沈疇以其祖干名在黨籍懼久而磨滅
特取家藏搨本重刻於石行人司副姑蘇周君得此
卷出以示余瞻仰之餘肅然起敬因識於下方嗚呼
世之惡直醜正髣髴於京者覽此碑尙亦自省哉吁

江何喬新識

椒邱文集

此碑自靖國五年毀碎遂稀傳本今獲見之猶欽寶
籙矣當毀碑時蔡京厲聲曰碑可毀名不可滅嗟乎
烏知後人之欲不毀之更甚於京乎諸賢自涑水肩

山數十公外凡二百餘人史無傳者不賴此碑何由知其姓氏哉故此擇福之道莫大乎與君子同禍小人之謀無往不復君子也石工安民乞免著名今披此籍諸賢位中赫然有安民在

倪元瑛跋

元祐黨籍徽宗書之立石端禮門其初九十八人爾既而蔡京復大書頒郡縣以上書人及已所不喜者作附麗人添入凡三百九人碑稱皇帝嗣位之五年蓋崇寧四年也是時籍中曾任宰臣執政者十無一存曾任待制及餘官亦已零落過半亡者毀其繪像及所著書奪其墳寺存者定爲邪等降責編管荒徼

禁不得同州住其子弟亦不得詣闕下小人之快意
未有甚于斯時者矣豈復有所忌憚乎其後張綱看
詳謂王珪一名不合在籍自九十七人外益以上官
均岑象求江公望范柔中鄧考甫孫諤六人共一百
三人皆係名德之臣許子孫陳乞恩例次數而龔頤
正遂采三百九人之事跡成元祐黨籍列傳譜述一
書凡一百卷蓋惟恐其闕然則小人之厄君子適以
榮之士之自立宜審所擇矣京所書刊石滿天下惟
桂林勒之崖壁故至今獨存碑後王珪章惇姓名漫
漶者爲瀑泉所泐也

曝書亭集

晁氏客語云紹聖初籍定元祐黨止數十人世以爲精選後乃汎濫人以得與爲榮而議者不以爲當也張文簡綱華陽集有紹興間進劄子云臣等看詳黨籍人姓名見于碑刻者有二本一本計九十八人一本三百九人內九十八人係崇寧初所定多得其真其後蔡京再將上書人及己所不喜者附麗添入黨籍汎濫雜冗遂至三百九人看詳得九十八人內除王珪不合在籍自餘九十七人多是名德之臣所有三百九人除九十七人係前石刻所載其餘更有侍從上官均岑象求餘官江公望范柔中孫諤鄧考甫

等六人名德亦顯然可見其計一百三人依得累降
推恩指揮許子孫陳乞恩例云云宰臣文彥博執政
梁燾等十六人待制以上蘇軾等三十五人餘官秦
觀等三十九人以此攷之蔡京手定黨籍原有二本
南渡合二本詳定爲三本王伯厚小學紺珠載三百
九人乃京第二本龔頤正列傳譜述一百卷凡三百
五人又不可詳者四人亦據第二本也今此碑列草
序李清臣張商英賈易楊畏輩益亦第二本未經南
渡詳定者慮爲諸賢之玷故詳著之云

帶經
堂集

余同官黃州司馬于北溟成龍由粵西來贈余元祐

黨籍碑一本云碑在柳州之融縣乃黨人沈千曾孫
沈暉刻也暉跋云元祐黨籍蔡氏當國實爲之徵廟
道悟乃詔黨人出籍高宗中興復加褒贈及錄其子
若孫公道愈明節義凜凜所謂誦于一時而信于萬
世矣其行實大槩則有國史在有公議在餘官第六
十三人酒暉之曾祖父也後復官終提點杭州集真
觀贈奉政大夫暉幸託名節後敬以家藏碑本鏡諸
玉融之真仙岩以爲臣子之勸云嘉定辛未八月旣
望朝奉郎權知融川軍州兼管內勸農事古雪沈暉
謹識又周元亮先生書影亦載此碑一則附錄之

筆偶

書影云倪文正題元祐黨碑云云余凡兩見此碑各
不同碎碑之後宜無可揭當時令郡邑各建之或尙
有存者故其式弗一耳

筠廊
偶筆

元祐黨籍碑世所見者皆西粵重勒本是刻爲故相
梁公燾曾孫律所重勒而吉州饒祖堯跋之其中注
已故者六十餘人則西粵本所無也內臣之後另書
王珪之名而愆之曰爲臣不忠曾任宰執章惇亦與
西粵本不同王丞相雖具臣故不應與章同列當以
梁碑爲是也

結琦
亭集

余得黨籍碑二本一沈疇所跋者一饒祖堯所跋者
饒本視沈本字樣較大又題額沈是正書饒是八分
書按書影謂當時令郡邑各建之或尙有存者故其
式弗一沈饒摹刻之不同以此故也

觀妙齋金石攷畧

碑完具其立此者朝奉郎權知融州軍州兼管內勸
農事古書沈疇也疇爲沈干之曾孫以家藏碑本鐫
諸玉融之真僊巖碑式凡三截上橫勒蔡京書題云
皇帝嗣位之五年証之於史實崇寧三年也徽宗紀
六月戊午詔重定元祐元符黨人及上書邪等者合
爲一籍通三百九人刻石朝堂今碑悉與史合惟碑

所言皇帝書而刊之石置於文德殿之東壁

崇寧元年籍元

祐及元符諸臣百二十人御書刻石端禮門見本紀

則史未嘗載上自書也史

摠計元祐元符而碑止題元祐黨籍較史微有異文
豈固以元祐爲首惡而大書特書之與中截文臣內
分宰執侍從餘官又有武臣內臣並列其名次然碑
以司馬光居宰執第一而紀則首文彥博碑以內臣
張士良武臣王獻可爲第三而史則悉列于首蓋爲
重定之次如此又書爲臣不忠曾任宰官二人王珪
章惇不與上諸官連案是事在三年二月己酉詔王
珪章惇別爲一籍如元祐黨今碑另行所書是也下

載暉自記刻石始末爲臣子之勸嗚呼京之計欲出死力以沉錮幽埋此諸君子者今反借力而譽揚然則京之愚爲可悲而惜不早覺悟也

授堂金石跋

按元祐姦黨姓名有二碑一立於崇寧元年之九月徽宗手書刻石置端禮門凡百有二十人首文彥博明年九月臣僚請頒端禮門石刻於外路州軍一立於三年之六月徽宗手書刻石置文德殿門之東壁凡三百九人首司馬光又命蔡京書大碑頒之天下此在長編及宋紀具有明文京所書者乃三百九人非百二十人也而陳極通鑑續編於崇寧二年大書

云頌蔡京所書元祐姦黨碑刻石於州縣三年則但
云重定元祐元符黨人刻石於朝堂反不及蔡京書
碑事薛應旂王宗沐皆因之何其謬也

畢沅續資治通鑑攷異

右元祐黨籍碑徽宗朝元有兩本崇寧元年九月己
亥御書刻石於端禮門者此初本也三年六月戊午
重定一籍通三百九人御書刊石置文德殿門東壁
又詔蔡京書頌之州縣令皆刻石此再刻本也五年
正月以星變除毀朝堂石刻如外處有石刻亦令除
毀而元刻無有存者今世所傳乃南宋人所翻三百
九人之本一在靜江府有慶元戊午饒祖堯跋一在

融州有嘉定辛未沈暉跋饒本字蓋較大於諸臣身故者名下注一故字與沈本異沈本末一行爲臣不忠會任宰臣王珪章惇兩人饒本有惇無珪饒本內臣有王化臣一人沈本無之袁公適饒本誤袁爲充馮百藥沈本誤馮爲洪龔夬饒誤作史饒本額元祐黨籍四字八分書沈本額元祐黨籍碑五字正書按崇寧詔書云三百九人以兩碑所列姓名數之皆闕其一當於饒本增入王珪一人沈本增王化臣一人乃得其實餘官內湯鉞以下四十八人當移於衡鈞之前則兩本皆誤當依宋史新編正之予嘗讀新定

續志知淳安縣學亦有元祐黨籍碑縣尉司馬速所
刊不審今尙存否夫是非之心人皆有之也而姦臣
欲以紹述之說奪之紹述爲孝則更改爲姦人主聽
之亦若近理雖然忠孝者一家之私也是非者萬世
之公也文武之子孫以紹述爲孝幽厲之子孫亦可
以紹述爲孝乎神宗所用之人所勅之淫海內皆以
爲非獨其臣子是之又以議論之不能勝而假威力
以勝之而人心終不服也人主之權能行於一時不
能行於萬世讀黨籍之碑崇寧君臣幾大快於心矣
豈知人心所不服卽天心所不祐向以入此籍爲辱

者後且以不得與此籍為恥矣若夫曾布張商英楊畏之翻覆無特操者蔡京雖抑之而後世終不能揚之此又由乎其人之能自立而非可僥倖以取名也

潛研堂金

石文跋尾

元祐黨籍碑姓名攷

文臣曾任宰臣執政官

司馬光

故史傳字君實陝州夏縣人神宗朝累加資政殿學士居洛陽十五年帝崩赴闕臨遺詔為門下侍郎元祐元年九月薨贈太師溫

國公諡文正紹聖初御史周秩首論光誣謗先帝章惇蔡京請發冢斲棺帝不許乃令奪贈諡博言不已追貶清遠軍節度副使又貶崖州司戶參軍徽宗立

復太子太保蔡京擅政復降正議大夫京撰姦黨碑令郡國皆刻石長安石工安民當鑄字辭曰民愚人同不知立碑之意但如司馬相公者海內稱其正直

今謂之姦邪民不忍刻也府官怒欲加罪拉曰被役不敢辭乞免鑄安民二字於石末恐得罪後世聞者愧之靖康元年還贈謚建炎中配享哲宗廟庭

氏閱見錄公既改新法或謂公曰元豐傳臣如章惇呂惠卿輩皆小人他日有以父子之義問上則朋黨之禍作矣不可不懼公正色曰天若祚宋必無此事遂改之不疑

文彥博

故史傳字寬夫汾州介休人神宗朝累拜太尉請老以太師致仕居洛陽元祐初司馬光薦彥博宿德

元老宜起以自輔宣仁后命平章軍國重事居五年復致仕紹聖初章惇秉政言者論彥博朋附司馬光誅殺先烈降太子少保卒崇寧中預元祐黨籍後特命出籍追復太

師諡曰忠烈

呂公著

故史傳字晦叔夷簡子元祐三年累拜司空同平章軍國事明年二月薨贈太師申國

公諡曰正獻紹聖元年章惇為相以罷思張商英周秩居言路論公著更熙豐法度削贈諡再貶建武軍節度副使昌化軍司馬參軍徽宗立追復太子太保蔡京擅政復降左光祿大夫入黨籍等

復錫青光祿大夫紹興初悉還贈諡

呂大防

故史傳字微仲其先汲郡人後家藍田

元祐中累尚書左僕射兼門下侍郎立朝八年乞避位未幾左正言上官均論其廢壞法法右正言張商英御史周秩列丞相繼攻之蔡學士知隨州貶秘書

監分司南京居鄧州言者又以修神宗實錄直書其事為詆譏徙安州紹聖四年貶舒州團練副使安置循州至虔州病薨徽宗即位復其官高宗紹興初又

復大學士贈太師宣國公諡曰正忠 續資治通鑑紹聖元年三月乙亥尚書

左僕射呂大防罷大防位首相踰六年當國日久羣惡皆歸及宣仁始附廟侍御史來之邵乞先逐大防以破大臣朋黨因疏列神宗商拔之人章惇安燾惠卿等以備進用大防亦自求去位帝亟從之詔以觀文殿大學士知領昌府後

二日改知永興軍 又曰三年七月己亥詔知渭州實文閣待制呂大忠特除
實文閣直學士知秦州大忠因言臣弟大防自稱謫籍流落累年恐一旦不虞
故先朝遽死生隔絕銜恨無窮伏乞寢臣已

劉摯

故史傳字莘老永靜
東光人元祐六年

除職名只量移大防陝西州郡居住不聽

拜尚書右僕射為朋讒奇中累徙青州紹聖初來之邵周秩論摯變法壞地罪
奪職知黃州再貶光祿卿分司南京新州居住四年陷邢恕之誘貶鼎州團練

副使新州安置至數月以疾卒復遺誘免其子官與家屬徙英州凡三年死于

謫者十人徽宗立詔反其家屬復擊中大夫蔡京為相降朝散大夫後又復觀

文殿大學士太中大夫紹興初贈少師諡曰忠肅 東都事略摯渤海人紹聖

初再貶光祿卿分司南京新州居住元符三年復中大夫蔡京為相降朝請大

夫與史小異 通鑑輯覽元符三年徽宗即位三月詔許劉摯歸葬錄其子孫

五月追復官 朱子名臣言行錄引劉大諫序公文集云公自青社罷職知黃

州又分司徙新州語諸子曰上用章丞相吾勢當得罪若章君顧國事不遷怒

百姓但責吾曹死無所恨第恐意在報復法令益峻奈天下何憂形于色初無

一言及遷謫也 續資治通鑑紹聖四年十二月癸未鼎州團練副使新州安

置劉摯卒先是蔡京安悼其治文及甫事將大有所誅戮會星變帝諭曰朕遵

祖宗遺志未嘗誅殺大臣劉摯等可釋勿治然京停極力鍛鍊

不少置而梁燾先卒後七日摯亦卒眾皆疑兩人不得其死

故史傳字堯夫仲淹次子元祐中累拜右僕射章惇為相純仁堅請去遂

知穎昌府徙陳州既而呂天防等竄熾表純仁上疏申理之忤惇意落

范純仁

職知隨州明年又貶武安軍節度副使永州安置徽宗卽位卽日授光祿卿分
 司南京鄧州居住道除右正議大夫提舉崇福宮不數月以觀文殿大學士充
 中太一宮使純仁乞歸許養疾建中靖國改元元旦受家人賀明日熟寐而卒
 贈開府儀同三司諡曰忠宣 通鑑輯覽貶武安軍節度副使安置于循新雷
 化永五州 會肇撰范文正公墓誌除給事中時哲宗宣仁太后共政司馬溫
 公入相首改差役法公聞之謂人口此事當熟講而緩行不然滋為民病且宰
 相職在求人變法非所先也還朝力為溫公言之溫公有所建請公復言宰相
 當虛心以延衆論不必謀自己出謀自己出則詭譎得乘閒迎合而正士將卷
 懷退避公與溫公雖同志及臨事有所矯正類如此 邵氏聞見錄元祐三年
 有吳處厚者以蔡確題安州車蓋亭詩來上以為誹汕宣仁太后得之怒曰蔡
 確以吾比武后當重罰呂汲公為左相不敢言忠宣乞薄確罪不從初議貶確
 新州忠宣謂汲公曰此路荆棘已七八十年吾輩開之恐不自免汲公又不
 言忠宣因乞罷政 通鑑輯覽紹聖四年范純仁謫武安軍節度副使安置于
 循新雷化永五州純仁時因疾失明命怡然就道或謂近名純仁曰七十之
 年兩目俱喪萬里之行竟其欲哉但區區之愛君有懷不盡若避好名之嫌則
 無為善之路矣諸子欲以與司馬光議役法不同為請美得免行純仁曰吾用
 君實薦以致宰相昔同朝論事不合則可汝輩以為今日 韓忠彥 史傳
 之言則不可也有愧心而生不若無愧心而死其子乃正 字師
 朴琦子元祐中累知真定府移定州坐棄地降資政殿學士改知大名府徽宗
 卽位以吏部尚書召拜門下侍郎論月拜尚書右僕射兼中書侍郎進左僕射

兼門下侍郎封儀國公而曾布為右相多不協言事者助布排忠彥以觀文殿

大學士知大名府又以欽聖欲復廢后為忠彥罪再降大中大夫賓州居住又

論忠彥在相位不應棄遼州謫崇信軍節度副使濟州居住逮復遼州謫磁州

團練副使復大中大夫遂以宣奉大夫致仕卒 通鑑輯覽崇寧元年五月忠

彥為相與曾布不協左司諫吳材右正言王能甫附布 史彥臣傳

論忠彥變神考之法度逐神考之人才遂罷知大名府 曾布 字子宣南

豐人紹聖初拜同知樞密院進知院事布贊惇紹述甚力請甄賞元祐臣庶論

更役法不便者以勸敢言惇遂興大獄陷正人流貶銷廢略無虛日布多陰摭

之徽宗立拜布右僕射明年改元建中靖國獨當國漸進紹述之說明年又改

元崇寧罷為觀文殿大學士知澗州坐職賄落職提舉太清宮太平州居住又

降司農卿分司南京又責散官衡州安置又以棄遼州責賀州別駕又責廉州

司戶凡四年徙舒州復大中大夫提舉崇福宮大觀元年卒于澗州後贈觀文

殿大學士謚曰文肅 通鑑輯覽崇寧元年閏六月曾布免布與蔡京素有隙

議事多不合會布擬壻父陳佑甫為戶部侍郎京言布私其所親布忿然爭辨

久之帝不悅殿中侍御史錢遜言布援元祐之 梁燾 故史傳字况之鄆

姦黨擠紹聖之忠賢于是布請罷出知澗州 州須城人紹聖

元年知鄆州朋黨論起以司馬光黨黜知鄆州三年再貶少府監分司南京明

年三貶雷州別駕化州安置卒 通鑑輯覽元符三年徽宗即位三月詔許梁

燾歸葬錄其子孫 宏簡錄紹聖元年黨論起士猶記其立論中 王巖

叟

故史傳字彥霖大名清平人元祐六年拜樞密直學士簽書院事宰相劉摯為御史鄭雍所擊嚴叟適上疏論救摯去位御史遂指為黨魁為端

明殿學士知鄭州明年徙河陽數月卒贈左正議大夫紹聖初追貶雷州別駕

張舜民撰墓誌曰公拜樞密直學士僉書樞密院事連曰或問有以君子小

人參用之說告陛下者不知果有之否此乃深誤陛下也自古君子小人無參

用之理聖人唯說君子在內小人在外則成泰小人在內君子在外則成否若

君子既進小人不能與君子同事自然不得親近小人既進君子不

肯與小人爭進自然稍引去君子與小人競進則危亂之機也

蘇轍

史傳字子由與兄軾同登進士紹聖初上疏哲宗覽奏以為引漢武方先朝落

職累責第州居住三年又責化州別駕雷州安置徽宗即位徙永州岳州已而

復大中大夫提舉鳳翔上清太平宮崇寧中禁京當國又降朝請大夫罷祠居

許州復大中大夫致仕政和二年卒追復端明殿學士淳熙中謚文定按史

云三年又責化州別

駕通鑑編覽作四年

王存 故史傳字正仲潤州丹陽人元祐三年累遷

時在廷朋黨之論寢熾存為哲宗言人臣朋黨誠不可長然或不察則濫及善

人由是復與任事者屏除知大名府改知杭州紹聖初請老提舉崇禧觀遷右

正議大夫致仕既而降通議大夫建

鄭雍 故史傳字公肅襄邑人哲宗

中靖國元年卒贈左銀青光祿大夫立拜尚書左丞紹聖初治

元祐泉臣雍頓首自列周秩乘隙詆之謂雍初為侍從時因徐王私於權臣以

進哲宗怒黜秩二年以資政殿學士知陳州徙北京留守坐元祐黨奪職知鄭

州改成都府元符元年遷舉崇福官
歸未至而卒政和中復資政殿學士
傳堯俞 故史傳字欽之本鄆州
須城人徙孟州濟源

元祐四年累拜中書侍郎六年卒贈銀青光祿大夫謚曰獻簡紹
聖中以元祐黨人奪贈謚著名滿籍後為綱解下詔喪贈錢其子 趙瞻

故史傳字大觀其先亳州永城人徙鳳翔之整屋元祐三年累擢樞密直學士
簽書樞密院事明年以中大夫同知院事五年卒贈銀青光祿大夫謚曰懿

簡紹聖中言者以傳會元祐 韓維 故史傳字持國億第五子哲宗朝累
諸臣追奪所贈官列于黨籍 拜門下侍郎有忌之者密為譴黜

以太子少傅致仕轉少師紹聖中坐元祐黨降左朝議大夫再謫崇信軍節度
副使均州安置元符元年復左朝議大夫是歲卒徽宗初悉追復舊官 通鑑

輯覽紹聖四年落職 孫固 故史傳字和父鄭州管城人元祐二年知樞
致仕再貶均州安置 密院事累官右光祿大夫五年卒贈開府

儀同三司謚曰溫靖紹聖時奪遺傳元符二年奪所贈官列元 范百祿
祚黨籍政和中徽宗以固嘗為神宗呂條持出籍悉還所奪

故史傳字子功鎮兄錯之子元祐中累拜中書侍郎罷為資政殿學士知河
中徙河陽河南襄贖銀青光祿大夫子祖述知鞏縣以父墮黨籍監中岳

廟後累官朝 胡宗愈 故史附胡宿傳宿從子字完夫元祐初累御史
議大夫卒 中丞哲宗嘗問朋黨之弊對曰君子指小人
為姦則小人指君子為黨明日具君子無黨論以進拜尚書右丞言者論罷
為資政殿學士知陳州徙成都府召為禮部尚書遷吏部卒 又弟宗同傳

金史卷一百九十四 宋二十一

云徽宗時官符制廢慶消陳延道
州兄宗愈入黨籍宗回亦罷郡

李清臣

故史傳字邦直魏人哲宗
即位累拜中書侍郎紹

聖元年廷試進士清臣發策皆紉元祐之政于是紹述之論大興國是遂變章
惇入相逐諸臣并籍文意博出公著以下三十人將悉竄編表清臣曰更先帝

法度不為無過然皆累朝元老若從博言必大駭物聽帝曰是豈無中道耶令
揭榜朝紫直保人不問坐狂婦人告清臣謀反以大學士知河南尋落職知真

定府徽宗立人為門下侍郎尋為曾布所陷出知大名府而卒贈金紫光祿大
夫按狂婦人者据宏簡叙是姑子田氏外婦 東都事畧清臣以元符中章

疏訾嘗先朝追奪職名言者又以清臣與韓忠彥黃履執政曰請復元祐皇后
義非所安可貶雷州司戶參軍 又東都事畧李清臣傳論曰紹聖之初清臣

復被任用不以公正事上而乃謀取宰相首以紹述激怒上意自是朋黨論起
而士夫象其患矯誣之說行而聖君負其謗朝廷不復安靜而清臣亦不得相

矣 通鑑輯覽建中靖國元年冬十月李清臣罷清臣與韓忠彥有
姻好忠彥惟其言是聽范純禮之罷亦其謀也至是以忤曾布免 劉奉

世 史附劉攽傳攽子字仲馮紹聖元年以端明殿學士知成德軍改定州踰
年知成成都府過都人親欲述朋黨傾邪之狀帝將聽其來曾布曰元祐變

先朝法無一富者奉世有力焉最為漏網恐不足見遂不許明年責光祿少卿
分司南京居杭州再被刑恕劾貶隰州團練副使徽宗立遣還其官職知定州

大名府 鄆州崇寧初再奪職責居沂究以教得歸政和二年復端明殿
學士堯 通鑑輯覽紹聖四年責光祿少卿 范

純禮 史傳字彝慶仲淹第三子徽宗立累擢尚書右丞坐誣罷為瑞明學士

江軍節度副使徐州安置徙單州五年復左朝議大夫提舉鴻慶宮卒

君承旨范右丞不可洗怒會說館遠使純禮主宴說誣其輒斥御名遂罷知穎

昌府崇寧二年六月論棄惶

州罪貶靜江軍節度副使

安壽 史傳字厚卿開封人登第元祐中累官

夏出知鄭州徙大名徽宗立復知樞密院以老避

州議其罪降端明殿學士再貶寧國軍節度副使漢陽軍安置澶州復又降鄆

州通議大夫還洛卒後五歲悉還其官職

陸佃 故史傳字農師越州山

向書左丞御史欲更懲元祐餘黨佃為徽宗言不宜窮治乃下詔申諭揭之朝

堂議者用是詆佃曰佃名在黨籍不欲窮治正恐自及耳遂罷為中大夫知毫

州數月卒

黃履 故史傳字安中邵武人紹聖初果拜尚書右丞坐

資政殿學士

右丞未踰年求去卒 東都事畧黃履始以文學進初附蔡確謀定策事復附

章惇排擊元祐之臣時議嫉之後以復后事追貶郴州團練副使 宏簡錄黃

履以救鄒浩罷知亳州徽宗立召為資政殿學士

兼侍讀復拜右丞加大學士提舉中太一宮卒

張商英 史傳字天覺蜀州新津人哲宗

初累使河北江西淮南哲宗親政召爲右正言左司諫商英積憾元祐大臣不用已極力攻之博議交惡商英欲助悼求所以傾憲者哲宗不直商英徙左司員外郎既與漸交關事皆露責監江監酒起知洪州累遷中書舍人謝表歷誠元祐諸賢衆益畏其口徽宗出爲河北都轉運使降知隨州崇寧初爲吏部刑部侍郎翰林學士蔡京拜相商英雅與之善拜尚書左丞復與京議政不合屢詆京罷知亳州入元祐黨籍京罷相削籍知鄂州京復相以散官安置歸陝二州大觀四年京再遷起知杭州過闕商爲資政殿學士拜尚書右僕射坐方技郭天信事累貶衢州安置繼復遷故官職宜和三年卒贈少保紹興中賜諡文忠 商資治通鑑卷二百二年八月戊申詔張商英與國祿政議論反復臺憲交章商客在列可落職知亳州臣僚因言商英作爲請書肆行誣毀宜更加誅青置之元祐黨中辛酉詔以商英入元祐黨籍改知蘄州尋罷職提舉靈仙觀攷異曰李直行蔡條國史後補載法篇云鈔法既行一日權貨務中人謁見錢已積三百萬將爲公將上進呈上駭曰直有兩許邪張丞商英時爲中書侍郎忽僉進曰臣陛下昔度錢魯公愕然即奏曰臣據行司申如此商英今以謂虛錢乞命商英與臣各選差官點檢字號分明皆在庫也翌日奏問張大憲由是不安後又以除通官禁事未幾罷去又宣和殿記魯公在元豐中與商英素厚善其後商英出入魯公門下又與伯氏親契魯公將爲相商英預爲草麻其辭甚美遂拜右承遷中書侍郎及爭道頗攻魯公一日上在禁中偶視責人之冠數問垂一小卷文者戲取開視之乃緝字曰張商英乙除石僕射上語責人汝勿預外庭事因密降出示魯公上大怒而責人方不安位魯公亦甚懼曰此獨

商英無狀耳恐事干宮禁不可

蔣之奇

故史傳字穎叔常州宜興人元

祐初累拜翰林學士兼侍讀

坐責守改州徙慶州徽宗立拜知樞密院事崇寧元年知杭州以素河漣事奪職降中大夫以疾告歸提舉處仙觀三年卒後錄其嘗陳朝廷之言並復官職

曾任待制以上官

蘇軾

故史傳字子瞻眉州眉山入元祐七年兼端明殿翰林侍讀兩學士為禮部尚書哲宗親政出知定州紹聖初御史論軾掌內外制曰

所作詞命以為譏斥先朝累貶寧遠軍節度副使惠州安置徽宗立移廉州改

舒州團練副使徙永州赦還提舉玉局觀復朝奉郎建中靖國元年軾自為

舉子至出入侍從必以愛君為本忠規謨論羣臣無出其右但為小人忌惡不

使安於朝廷之上通鑑輯覽紹聖四年蘇軾自惠州徙昌化軍東坡年譜四

年五月責授瓊州別駕昌化軍安置宏簡錄高宗

贈資政殿學士孝宗乾道六年特贈太師諡文忠

馬光入相薦為祕書省正字累知成德軍章惇用事尤忌惡之黜知南安軍再

貶少府少監三貶新州別駕安置英州又徙梅州徽宗即位以集賢殿修撰知

鄆州真定府會布又忌之不使入朝蔡京既相連七謫至峽州羈管稍復承議

郎卜居宋都宣和六年復待制中書舍人明年卒通鑑輯覽紹聖四年劉安

世自英州徙高州元符元年七月再竄于梅州安世至貶所章惇將必致之死

陰令殺陳衍使者過梅協安世使自裁使者不忍而止惇又擢土豪為轉運判

官使殺之判官承意疾馳未至三十里嘔血而死安世獲免 朱子名臣言行錄公徧歷言路正色立朝知無不言言無不盡每以辨是非邪正為先進君子

退小人為急其面折廷爭至雷震之怒赫然則執簡却立伺天威稍霽復前極論一時奏對且前且却者或至四五殿廷觀者皆汗縮竦聽目之曰殿上虎

又曰博十用事必欲致公於死故方竄廣東則移廣西既抵廣西則復徙廣東凡二廣間遠惡州軍無所不至人皆謂公必死然七年之間未嘗一日病年幾

八十堅悍不衰此非人力所及殆 天相也或問何以至此曰誠而已

范祖禹 故史附范鎮傳鎮從孫字淳甫一字夢得哲宗立

累為禮部侍郎侍講學士紹述之論與有相章惇意祖禹力言惇不可用不見從遂請外以龍圖閣學士知陝州言者論祖禹修實錄詆訕又據其諫禁中厓

乳姐事追貶武安軍節度副使鄂州別駕安置永州賀州又徙賓化而卒建炎二年追復龍圖閣學士 通鑑輯覽紹興四年范祖禹自賀州徙賓化而卒建炎

年七月再 寓于化州 **朱光庭** 故史附朱景傳景子字公揆哲宗即位司馬光薦

貶柳州別駕元符又停個其諸子徽宗立復其 為左正言累加集賢院學士感疾卒紹聖中追

官 按東都事略作追貶郴州別駕餘俱同 **姚勣** 故史無傳通鑑輯

紹聖四年 趙君錫 故史附趙安仁傳安仁孫字無愧累知應天府紹

肅州居住 聖中貶少府少監分司南京紹興六年賊獻

閣直學士 通鑑輯覽紹 **馬默** 故史傳字處厚單州城武人哲宗朝

聖四年趙君錫亳州居住 累改河北都轉運使入之告老提

聖四年趙君錫亳州居住 累改河北都轉運使入之告老提

聖四年趙君錫亳州居住 累改河北都轉運使入之告老提

聖四年趙君錫亳州居住 累改河北都轉運使入之告老提

舉鴻慶宮紹聖時坐附司馬光致仕卒紹興中以其子純請贈開

府儀同三司加贈太保 通鑑輯覽紹聖四年馬默軍州居住

孔武

仲 故史附文仲傳文仲弟字常父元祐中累以實文閣待制知洪州徙宣州
坐元祐黨奪職居池州元符末追復之 通鑑輯覽紹聖四年孔武仲

池州 居住 **孔文仲** 故史傳字經父臨江新喻人元祐初哲宗召為中書舍人
三年同知貢舉先有寒疾及是晝夜不廢職疾甚卒後

追貶梅州別駕元符末復其官 通 吳安持 故史附吳充傳充次子
每輒覽紹聖四年孔文仲追貶別駕 元祐時為都水使者

遷工部侍郎任 **錢總** 故史附錢惟演傳惟演從孫字穆父哲宗時翰林
終天章閣待制 缺學士帝以命總仍兼侍讀博極排詆諷全臺

攻之不已罷知池州卒元 **李之純** 故史傳字端伯滄州無棣人元祐
符末追復龍圖閣學士 中累改工部尚書紹聖中劉拯

勅其阿附蘇轍出知單州卒 通鑑輯覽李之純字端明
紹聖四年追奪官秩按之純弟之儀字端叔則端明似訛 **孫覺** 故史

字莘老高郵人哲宗即位累擢御史中丞以疾請罷除龍圖閣學士提舉
舒州靈仙觀卒紹聖中以覺為元祐黨奪職追兩官徽宗即位復官職

鮮于侁 故史傳字子駿開州人哲宗立召為太常少卿在職三月以疾求
去除集賢殿修撰知陳州卒 東都事略紹聖間以侁為元祐

黨制左諫議大夫集賢 **趙彥若** 故史附趙師民傳師
殿修撰送與黨籍云 民子試中書舍人 **趙尚** 故

史傳字公才邛州依政人元祐五年拜端明殿學士遷大中大夫卒贈右光祿大夫紹聖四年以尚與元祐棄地離保其名於黨籍 通鑑輯覽紹聖四年趙

尚追奪 官秩 王欽臣 故史附王洙傳洙子字仲至元祐中果改集賢殿修 撰知和州徙饒州提舉太平觀徽宗立復待制知

成德軍卒 通鑑輯覽紹 聖四年王欽臣信州居住 孫升 故史傳字君孚高郵人哲宗立累以天

堽升過改集賢院學士紹聖初張商英又劾之則職知房州歸州貶水部 員外郎分司又貶果州團練副使汀州安置卒 通鑑輯覽紹聖四年孫升

州居 李周 故史傳字純之馮朔人哲宗立果改集賢殿修撰卒紹聖中 追貶賀州別駕後復舊職 通鑑輯覽紹聖四年李周追

李官秩 王汾 故史附王禹偁傳禹偁曾孫仕至工部侍郎後入元祐黨 貶別駕 通鑑輯覽王汾謫作王放紹聖四年落職致仕

韓川 故史傳字元伯陝人元祐中果以龍圖閣待制守穎城二州與孫 升同受責由坊州邠州貶屯田員外郎分司岷州團練副使道

州安置徽宗立復故官知青襄二州卒 顧臨 故史傳字子敦會稽人哲 通鑑輯覽紹聖四年韓川隨州居住 聖初以龍圖閣學士知

定州徙應天河南府中人梁惟簡坐事宣仁太后得罪過洛轉運使郭茂恂 獨恃李憲功與之莫敢奪知蘇州又以附會黨人斥饒州居住卒徽宗立

追復之 通鑑輯覽紹 聖四年顧臨饒州居住 賈易 故史傳字明叔無為人元祐中果加直秘閣

宗立召為太常少卿進右諫議大夫改權刑部侍郎歷

工部吏部未滿歲為真以實文閣待制知鄆州入黨籍

呂希純史附呂公著傳

公著三子字子進元祐初歷權太常少卿章惇既相出為實文閣待制知老州

諫官張商英憾希純攻之力徙睦州歸州自京東而之浙西自浙西而上三峽

名為易地實困之也公著追貶希純亦以屯田員外郎分司南京居金州又責

舒州副使劉使道州安置建中靖國元年還為待制知瀘州改潁州入崇寧黨

籍卒 通鑑輯覽紹聖四年呂希純金州居住 史論曰公著父子俱

位至宰相希哲希純世濟其美然皆陷於崇寧黨籍何君子之不幸歟 曾

肇史附曾肇傳弟字子開元祐末累知濠州坐實錄殺訕降滁州復集賢

殿修撰歷泰州海州徽宗即位復召為中書舍人元祐臣僚被譴者咸以

赦恩甄叙望請併錄死者詞哀厚惻怛請者為之感愴選翰林學士兼侍讀

建中靖國元年兄布在相位避禁職拜龍圖閣學士提舉中太一宮未幾出知

陳州歷太原應天二府楊定二州崇寧初落職謫知和州徙岳州繼貶濮州團

練副使安置汀州四年歸潤而卒兄布與韓忠彥並相曰夕頃危之肇既居外

移書其之曰兄方得君當引用善人正道以杜惇卞復起之萌而數月以來所

謂端人吉士權跡去朝所進以為輔佐侍從盡往皆前日事惇卞者比來

主意已移小人道長進則必論元祐人於帝前退則盡排元祐者於要路異時

惇卞縱未至一蔡京足以兼二人可不深慮布不能從未幾京得政布與肇俱

不免紹興初謚曰文昭 朱子名臣言行錄引行述云時有陳大中至正之論

者以元祐紹聖均為有失曾公稱上命命公推此意為詔諭天下公見上言陛

下欲建五極以消弭朋黨須先分君子小人賞善罰惡不可偏廢聞說甚至
又曰元祐士大夫再被降黜公義不獨全請與俱貶言者絕之落職知和州

王觀

史傳字明叟秦州如舉人哲宗立擢右正言進右司諫觀在言路欲
深破朋黨之說朱光庭許蘇軾試館職策問呂陶辨其不然遂起洛

蜀二黨觀言試之辭不過失輕重之體耳若悉致同異深究嫌疑則兩岐遂分
黨論滋熾夫學士命詞失指其事尙小使士大夫有朋黨之名大忠也帝深然

之毋改右諫議大夫出知澗州蘇州徙江淮發運使入拜刑戶二部侍郎紹聖
初知成都府徙河陽貶少府少監分司南京又貶鼎州團練副使徽宗即位還

故職知永興軍過關厲為工部侍郎遷御史中丞改翰林學士知澗州徙海州
罷主管太平觀安置臨江軍觀持正論始終再罹遺逐不少變無疾卒紹興初

追復龍圖閣學士通鑑輯覽
寬紹聖四年王觀通州居住

范純粹

史附范仲淹傳仲淹第四子字德
孺元祐中除寶文閣待制出知延

州紀聖初坐元祐棄地事降直龍圖閣明年復以寶文閣待制知熙州歷滑州
旋以元祐黨人奪職知均州徽宗立起知信州復故職知太原再貶延州改知

永興軍尋以言者落職知金州提舉鴻慶宮又責常州別駕鄂州安置錮子弟
不得擅入都會赦復漢祠久之以右文殿修撰提舉太常寺兼解復徽猷閣

待制致仕卒通鑑輯覽紹聖四年范純粹均州居住續資治通鑑長編
者年八十餘行大洞法帝嘗問仙姑致太平之期對曰當用賢人帝曰賢人謂

誰曰范純粹也帝以語東京曰此元祐臣僚所使
遂逐之于是士大夫爭言虞仙姑亦入元祐黨矣

呂陶

史傳字元鈞成
都人元祐中以

樂賢院學士知陳州徙河陽歸州學士再貶庫部員外郎分司徽宗立
及樂賢殿修撰知梓州致仕卒 通鑑續覽紹聖四年呂陶衡州居住

王古 史附江公望傳建中靖國元年御史中丞趙挺之與戶部尚書王古同
理通欠古多所編釋挺之功古傾天下之財以為私惠公望乃上疏曰

臣聞挺之與古論事每不相合屢見於辭氣憤不平之心有待而發便謂有之
私事官釋此小人之所不為而挺之安為之豈忠臣乎 續資治通鑑考異同

時有兩王古其一官戶部尚書乃旦之曾孫在曾任待制以
上其一在餘官蓋以元符上書列邪等得罪者其爵里未詳 **豐稷** 史

字祖之明州鄞人元祐中累知河南府加龍圖閣待制連徙六州徽宗立以左
諫議大夫召道除御史中丞以樞密直學士守越蔡京得政修故怨貶海州團

練副使道州別駕安置台州除名徙建州稍復朝請即卒建炎中追復學士謚
曰清敏 通鑑輯覽建中靖國元年十一月罷禮部尚書豐稷復初自河南入

對論罷蔡京又欲率臺屬論曾布布覺之遷稷尚書稷數以論事忤
權近及是出知蘇州樂寧二年正月蔡京蔡卞陷以黨事安置台州 **張舜**

民 史傳字芸叟邠州人哲宗初司馬光薦以館閣校勘進說書少監累知陝
潭青三州徽宗立擢龍圖閣待制知定州改同州坐元祐黨謫楚州團練

副使商州安置復集賢殿修撰卒紹興中追贈寶文閣
直學士 通鑑輯覽崇寧二年正月張舜民安置商州 **張問** 故史傳字

昌言襄
陽人元祐初為秘書監給 **楊畏** 史傳字子安其先遂寧徙洛陽累提點
事中累官正議大夫卒 黃州路刑獄元祐初請祠歸洛恐得罪

司馬光稱其盛德光卒復言其不知道呂大防劉摯為相用為工部員外郎摯
 殿中侍御史助大防攻擊十事摯罷蘇頌為相長復攻頌頌罷欲蘇轍為相
 宣仁后召范純仁長攻純仁長本耐轍知轍不相復詆轍其傾危反覆如此遷
 禮部侍郎轍章惇呂惠卿可大任廷試發策有紹述意考官第主元祐者皆上
 畏復考悉下之惇入相長遣所親陰結之惇至徙長吏部尋以質文閣待制知
 真定府天下目為楊三變謂其進於元豐顯於元祐遷於紹聖也蘇轍知被
 州入元祐黨後知鄂州復集賢殿修撰知襄州移荆南提舉洞霄宮未
 幾知鄆州再可祠主管崇禧觀蔡京為相出黨籍尋復質文閣待制卒

鄆

沈浩史傳字志完常州晉陵人元祐中擢右正言蹇序辰看詳先祐意素公肆
 浩欺輕重不平浩言初旨但分兩等語及先帝并語言過差而已今所施

行混然莫辨願加省察章惇獨相浩所言每觸惇忌賢妃劉氏立浩上疏惇詆

其狂矣削官徙管新州徽宗立亟召還以質文閣待制知江寧府徙杭越州蔡

京用事再責衡州別駕徽宗五年始得歸稍復直龍圖閣疾作卒高宗即位

復待制贈質文閣直學士賜諡忠邵氏聞見錄田晝者字承君陽翟人故

樞密宣簡公姪也議論慷慨郭浩志完救授穎昌與承君遊志完性懦得承君

遇事輒自激厲元待闕承君監京城門志完除言官既而朋黨之禍大起時事

日變更承君謝病歸陽翟田舍一日報立劉氏為皇后承君諸子曰志完不言

可以絕交矣又一日志完以書約承君會穎昌中塗承君亟往志完具言陳立

皇后時浩之言慙矣乃得罪置三日臨別志完出涕承君正責曰使志完隱默

官京師遇瘵疾不汗五日死矣竟獨嶺海之外能死人哉乃別去建中靖國初

承君入為大宗正

果知淮陽軍卒

陳次升

史傳字當時與化仙游人紹聖中為御史轉殿中時方錫元祐章疏毒流指紳次升疏諫

悼卞交惡之誠南安軍徽宗立召為侍御史遷右諫議大夫崇寧初以實文閣

侍制知穎昌府降集賢殿修撰繼又除名徙建昌編管循州政和中用赦恩復

舊職卒 通鑑輯覽崇寧二

謝文瓘

史傳字聖藻陳州人哲宗召對除秘書省正字考功右司員外

年正月陳次升貶虢循州 即徽宗擢起居舍人給事中崇寧元年出知濮州尋治政事坐元豐上疏論邵

武軍移處州帝披紫絲曰朕究知文瓘本末命出籍以為集英殿修撰知濟州

卒

岑象求

故史無傳宋史紀事本末嚴起梓州人終實文閣待制入黨籍全蜀教文志載其遊定林院詩

周鼎

史無

徐勣

史傳字元功宣州南陵人元豐末累諸王府記室參軍哲宗未及用徽宗立擢實文閣待制遷中書舍人時紹聖黨

與尚在朝人懷異意以沮新政帝謂勣為雙直詔與蔡京同校五朝寶劄勣固

辭奏京之屬引盧杞為前憑給事中翰林學士勣與何執中偕事帝於王邸京

每曲意事之勣不少降節俄而遭憂京入輔執中亦預政摘勣行章悖詞以為

詆先烈服闋主管靈仙觀入黨籍起知江寧府言者復論為元祐姦朋罷歸大

觀三年知太平州加龍圖閣直學士留守南京除顯謨閣學士致仕卒

賈資政殿學士正憲大夫 按大觀三年知太平州宏簡錄作二年 路

昌衡

故史傳字持政開封祥符人紹聖中以實文閣待制知開封府累知

成都徽宗立實司農少卿分司居郢州明年起為滁州徙南京

守坐前上書事落職入黨籍
卒直和五年贈龍圖閣學士

董敦逸

故史傳字夢授吉州永豐人元祐六年以監察御史出知臨

江軍紹聖初復除監察御史歷左司諫明年出知興國軍徙江州徽宗即位累遷戶部侍郎卒

上官均

史傳字彥衡邵武人哲宗立擢

開封府推官元祐中累改提點河北東路刑獄紹聖初召拜左正言遷江部員外郎累知越州徽宗立入為秘書少監累知永興軍徙襄州崇寧初與元祐黨

籍奪職主管崇禧觀政和中復集賢院修撰提舉洞霄宮久之復龍圖閣待制致仕卒

葉濤

故史傳字致遠遂州龍泉人紹聖初薦擢中

書舍人論安燾不宜加罪蔡京勅為黨罷知光州達三

郭知章

史傳字明叔吉

州龍泉人用薦累知和州徽宗立會布用為工部侍郎累翰林學士言者論罷知鄂州旋入黨籍數年復顯謨閣直學士政和初卒

楊康

國 史無

龔原

史傳字深之處州遂昌人紹聖中為樞工部寺出知潤州徽宗初入為秘書監歷知廬州陳璘擊蔡京原與蔡善

或謂原實使之奪職居和州起為亳州命下而卒 陳氏曰必嘗丞歷陽龔頤正養正異嘗撰元祐黨籍得官韓氏用事時賜出身入館頤正給事

文獻通考續稽古錄一卷

中原之曾孫也

朱紱

史無

葉祖洽

史傳字敦禮邵武人紹聖中歷知洪州會布用事以

吏部侍郎召改實文閣待制知青州未赴布引為吏部侍郎布罷出知定州且行大言於上徽宗怒其曠安降集賢修撰提舉冲祐觀自是不復用久之知洪

州改老州加徽猷閣直學士政和末年卒

朱師服 史無傳

餘官

秦觀 故史傳字少游揚州高郵人累兼國史院編修官紹聖初坐黨籍出通判杭州御史劾論其增損實錄貶監處州酒稅又以謫告寫

佛書為罪削秩徙郴州繼編管橫州又徙雷州徽宗立復宜德郡放還至藤州游華光亭卒 **黃庭堅** 史傳字魯直洪州分寧人哲宗立累兼國史編修官紹聖初出知宣州改

鄂州章惇蔡卞與其黨論實錄多誣貶涪州別駕黔州安置言者猶以處善地為仇法遂移戎州徽宗即位起監鄂州稅簽書亭國軍判官知舒州以吏部員外郎召皆辭不行丐郡知太平州至九日罷主管玉隆觀除名轉管宜州

三年徙永州 **晁補之** 史傳字無咎濟州鉅野人進士第一元祐初累為未聞命而卒 著作佐郎章惇當國出知齊州坐修神宗實錄失

實澤通判應天府亳州又貶監處信二州酒稅徽宗立復以著作召既至拜吏部員外郎禮部郎中兼國子編修實錄檢討官黨論起為諫官管師仁所論出

知河中府徙湖州密州果州遂主管鴻慶宮大觀末出黨籍 **張耒** 史傳知達州改泗州卒 通鑑詳覽紹聖四年晁補之謫監當官 字文

潛楚州淮陰人紹聖初請郡以直龍圖閣知湖州坐黨籍徙宣州謫監黃州酒稅徙復州徽宗立起為通判黃州歷知汝州崇寧初復坐黨籍落職主管明道

金石錄卷一百四十四 宋二十一

官未在籍湖蘇賦計為舉吏行服官者以為言遂貶房州別駕安置於黃
五年得自便居陳州晚監南嶽廟主官崇福宮卒建炎初贈集英殿修撰

吳安詩

史附吳充傳充長子在元祐時為諫官起居
郎 通鑑輯覽吳安詩紹聖四年連州居住

歐陽棐

史附

修傳修中子字叔衍元符末歷吏部右司二郎中以直祕閣知蔡州未幾坐黨
籍廢十餘年卒 續資治通鑑元符元年十月詔祕閣校理權知潯州歐陽棐

落職送吏部與合入差遣坐朋附元祐權臣每希進用也又曰歐陽棐朝見帝
目之語曾布曰此元祐五鬼布曰亦聞有此名元祐附麗亦必有之治郡亦常

才然棐歐陽修之子登進士第修
于英宗定策之際最有功帝領之

劉唐老

史附見陳瑾傳云瑾論張耒
黃庭堅晁補之歐陽棐劉唐

老等宜在朝廷云云 續資治通鑑紹聖四年十二月丁酉詔祕
閣校理劉唐老落職監桂陽監稅務以唐老元祐姦黨故有是命

王玘

史附王素傳素子長於詩從蘇軾游軾守滁州玘往訪之與客游泗水登懸山
吹笛飲酒乘月而歸軾待之於黃樓上謂玘曰李太白死世無此樂三百年矣

軾得罪雖亦竄賓州數歲得還後歷宗正丞每除官輒為言者所議故終不顯
宋詩紀事玘字定國華縣人文正公旦之孫工部尚書素之子嘗停揚州坐

與蘇軾遊謫監筠州鹽稅入黨籍 東坡詩集贈
玘詩有云清詩草聖俱入妙別後存我書連紙

呂希哲

史附呂公著
傳公著長子

字原明哲宗初為崇政殿說書權右司諫不拜紹聖黨論起御史到瑋論其違
不由科第以謫期校理知徽州分司南京居和州徽宗初為書少監改一歲

少卿以直祕閣知曹州旋遷崇寧宮祠卒
罷為宮祠卒 宏簡錄希哲歷奉祠馮高淮泗間十餘年卒 杜純 故

史傳字孝錫濮州甄城人以伯父應入宮累擢侍御史言者詆其不由科第收
右司累陝西轉運使還拜鴻臚光祿卿權兵部侍郎以集賢院學士提舉崇寧

官改修 張保源 史無傳 續資治通鑑元符元年十一月癸丑三省言
撰卒 王鞏張保源累上書議論朝政表裏姦臣欲盡變先朝

法度詔鞏除名勒停全州編管保源特勒停峽 孔平仲 故 史附文仲
州居住 按保源字澄之兄草堂寺題名石刻 傳文仲弟

字義甫用薦累給事中言者詆其元祐時附會黨路澂毀先烈出知衡州徙韶
州坐前上書之故資惠州別駕安世英州徽宗立召為戶部金部郎中累帥郎

延環慶黨論再起罷主管兗州崇寧宮卒 通鑑輯覽紹 衡鈞 史無
聖四年孔平仲落職知衡州 宏簡錄惠州別駕作思州 傳

袞公適 故 史無傳按袞姓不見於 馮百藥 周誼 孫琮
氏族其受姓之始未詳

四人史 范柔中 史附見鄧孝甫傳詳見下 續資治通鑑崇寧元年九
俱無傳 月臣僚章疏姓名分正邪三等柔中名列邪上尤甚等

鄧考甫 史傳作孝甫字成之臨川人積官提點開封府界河渠坐事去
官元符末詔求直言孝甫年八十一上書云亂天下者新法也

末流之禍將不可勝言云云蔡京嫉之謂為詆訕宗廟劾籍筠州崇寧去黨
碑釋逐臣同類者五十三人其五十人得歸惟孝甫與范柔中封覺民獨否遂

卒于筠 按碑作考甫史作孝甫據其字成之考有成義則碑當不誤續資治通鑑亦作考

王察 趙响 二人史無傳

封覺民 故史附見鄧孝甫傳詳前

胡端修 李傑 李賁 三人史無傳

趙令時 史無傳 宋詩紀事字德麟太祖次子燕王德昭元孫元祐中養書穎州公事坐與蘇軾交通罰金入黨籍紹興初襲封安定郡王同知行在大宗正

事襄贈開府儀同三司 郭執中 石芳 金極 高公應

安信之 張集 六人史無傳 黃策 史無傳 續通鑑紹興三年七月甲子帝謂大臣曰元祐黨人

固皆賢然其中亦有不賢者乎呂頤浩等曰豈能皆賢徐俯曰若真元祐黨人豈不賢但蔡京輩凡己之所惡欲終身廢之者必名之元祐之黨是以其中不免有小人帝曰若黃策之類是也俯曰黃策乃元符末上書狂直被罪始天下皆稱之如策比者無慮十餘人策不能回窮守節陷於非義其中亦有議論前後反覆姦惡狼獾竄名其間如楊畏朱師服數人耳策以直誠開通判嚴州受賂抵罪故帝及之 吳安遜 周未

徽 高漸 張夙 故四人史俱無傳 鮮于綽 史無傳 文獻通考信錄十卷皇朝鮮于綽

大受 呂諫卿 王貫 朱絃 吳朋 故 梁安國

五人史

俱無傳

王古

史無傳 書畫譜引茅山志王古徽宗時人茅山崇禛觀碑銘崇寧五年張商英撰朝散郎簽書榮州軍州事判官

此所載書碑之王古與前王古歷官不同因附此備攷

蘇迥

檀

固 何大受

王箴

鹿敏求

五人史 俱無傳

江公望

史傳字民表

州人建中靖國元年由太常博士拜左司諫出知淮陽軍未幾召為左司員外郎以直龍圖閣知壽州蔡京為政編管南安軍遇赦還家卒建炎末與陳瑾同

贈右諫議大夫 通鑑輯覽建中靖國元年六月罷左司諫江公望先是公望上疏言元祐人才皆出于熙豐培養之餘遭紹聖竄逐之後存者無幾陛下若

立元祐為名必有元豐紹聖為之對有對則爭與爭與則黨復立矣疏入會蔡王府史以語言疑似成獄王上表待罪公望乞勿以無根之言加諸至親遂坐

罪崇寧二年正月陷

曾紆

史無傳 宋詩紀事字公衮布子以廢補官入元祐黨籍紹興二年除直顯謨閣知衢州

撫州府志字公卷一作公衮善詞翰以廢補官崇寧癸未坐黨籍貶零陵與黃魯直善 江西詩話曾紆自號空青先生有集

高士育

史無傳

鄧忠臣

故史無傳 宋詩紀事字謹思長沙人熙寧二年進士仕至考功郎坐元祐黨廢 范忠宣公文集補

編履忠宣公謚議鄧忠臣撰後附跋云按長沙鄧忠臣字慎思宋神宗朝擢為祕書省校書郎知衡陽入為南宮舍人歷考功因覆謚忠宣公遂入黨籍出守

彭門改汝海以宮祠罷講終于家後贈直秘閣所居玉池峰自號玉池先生

种師極

史無傳 种世衡傳世衡孫有師道師

中疑師極亦世衡之諸孫也

韓治

史附韓琦于忠彥傳忠彥子徽宗時仕為大僕少卿出知相州以疾丐祠

都貺

秦希甫

錢景祥

周待

何大正

呂彥祖

梁寬

七人史俱無傳

沈干

史無傳 台孫暉黨籍碑跋但云後復官終提點杭州集真觀贈奉政大夫不詳其初所復何官

曹興宗

羅鼎臣

劉勃

王拯

黃安期

五人史俱無傳

陳師錫

史傳字伯備建州建陽人徽宗立拜殿中侍御史歷知穎廣清三州坐黨論監衛州酒稅又削官安置郴州卒師錫始與陳瓘

論京十時號二陳紹興中贈直龍圖閣按宏簡錄字伯備作伯修又紹興中贈官誤作召聖

于肇

黃遷

万

侯正

許堯輔

四人史俱無傳

楊肫

史無傳 宋詩紀事字持正聞人元祐六年進士終建寧軍節度使

記人黨籍

胡良

梅君俞

寇宗顏

張居

李修

逢純熙

故六人史俱無傳

高遵恪

史無傳 續資治通鑑作遵裕字公純之孫也累貶鄧州團練副使哲

宗即位復石屯衛將軍主管中樞廟卒贈永州
團練使紹聖中崇贈奉國軍節度觀察留後
黃才 曹望 侯

頌道 周遵道 四人史 俱無傳 林膚 史附林希傳希弟旦之子 坐元符上書陷於黨籍 葛

輝 故 宋壽岳 二人史 無傳 王公彥 史無傳 續資治通鑑紹興三 年十月丙午左丞議即去管華

州明道宮王公彥進秩二等以元符上 書入籍故也自是黨人見在者皆還官 王交 張溥 許安修

三人史 俱無傳 劉吉甫 史無傳 宋詩紀事云吉甫入元祐黨籍時 里未詳劉克莊後邨千家詩載其聞笛一絕 胡

潛 董祥 楊瓌寶 倪直孺 蔣津 王守 鄧

允中 梁俊民 王陽 陸表民 葉世英 張裕

謝潛 陳唐 劉經國 故 湯軾 故十六人 史無傳 司馬

康 故史附司馬光傳光子字公休累遷校書郎光薨服除召為著作佐郎兼 侍講以居喪蔬食寢地得腹疾卒贈右諫議大夫 史傳論云康濟美

象賢不幸短命而死世尤惜之然 康不死亦將不免於紹聖之禍矣 宋保國 故 黃隱 二人史 俱無傳

畢仲游

史附見畢士安傳士安子字公叔與兄仲衍同登第徽宗時歷吏部郎中墮黨籍坎壞散秩而終弟仲愈歷國子監丞諸王府侍講

知鳳翔府坐兄仲游陷黨籍例廢黜徽宗曰畢仲游被

常安民

史傳字希

遇先帝可除罪籍以仲愈為都官郎中擢秘書少監卒

古印州人紹聖初拜監察御史疏論蔡京內結中官外連朝士一不附已則誣

以黨於元祐非先帝法必擠之而後已今在朝之臣京黨過半陛下不可不早

覺悟而逐去之是時京之姦始萌芽人多未測獨安民首發之又言今大臣為

紹述之說皆借此名以報復私怨朋附之流遂從而和之章疏前後至數十百

上度終不能回遂丐外會布章悖比而排之董敦逸再為御史亦奏之出監滁

州酒稅滿三歲通判温州徽宗立提點水興軍路刑獄蔡京用事人黨籍流落

二十年政和末卒建炎四年贈諫議大夫通鑑輯覽崇寧二年正月常安民

陷黨事安置温州邵氏聞見錄常安民長安人以鐫字為業多收隋唐銘誌

墨本亦能篆崇寧初蔡京蔡卞為元祐黨籍刻石文德殿門又立於天下州縣

長安府召安民安民辭曰乞不刻安民鐫字於碑恐後世併以為罪按長安

鐫字者姓安名民居官而入黨籍者姓常名安民顯然二人邵氏聞見錄乃於

安民之上加一常字遂目之為常安民自有此誤迨倪文正跋亦云石工安民

乞免著名今據諸賢位中赫然有安

汪衍

史無傳附見下文

余爽

史附余良

民在是亦誤以常安民為即安民也

欣傳長胘子字荀龍與兄卞皆以任子恩試校書郎元祐末極言請太皇太后

還政章惇憾爽不附已摘其言為謗訕以瀛州防禦推官除名黨封州久之起

知州州未行罷監東嶽廟崇寧中與十俱入黨籍 續資治通鑑元符元年十月
月已亥詔朝散郎汪沂瀘州防禦使推官余爽並除官勒停永不收叙衍送昭州
或送封州編管先是蔡京薦爽草悖惡之具言元豐末爽及衍各上 鄭俠
書詆誣先朝爽又元祐中會上帝乞宜仁歸政除詐反覆故有是命

史傳字介夫福州福清人監安上門熙寧六年七月不雨至于七年之三月流
民索道侯悉捕所見為劉上之神宗反覆觀國翌日又下詔責躬求言越三日
天雨輔臣入賀帝示以鄭俠所進圖狀群姦切齒安石去惠卿執政俠又上疏
論之惠卿奏為誘細編管汀州徙共州哲宗立始得歸元符七年再竄于英嶽
宗立赦之仍遷故官又為蔡京所奪宜和元年卒里人揭 常立 史無傳

其詞為鄭公坊州縣皆紀之于學紹熙初紹興朝奉郎 常立 安簡
碑常秩字夷前州汝喻人子立始為天平推官校書崇文院紹聖中蔡卞薦
為諫書正字請王守侍講議政殺統書召對以為諫官曾布欲傾卞貶監酒稅
而死 續資治通鑑紹聖三年六月癸未詔常立罷諸王府侍講兼監永州酒
稅初蔡卞請以立為崇政殿說書既賜對又請除諫官帝未許卞方與章惇比
會布欲傾之乘間為帝言立附兩人乃於史院取立父秩行事以進有云自判
公去位天下官吏論變新法民受塗炭公獨見幾知其必敗帝駭曰何謂必敗

布言立狂悖不遜帝亦切 程頤 史傳字正叔哲宗初司馬光出公青疏
論故待與進小處監當 其行義詔以為西京國子監教授力辭
尋召為秘書省校書郎久之加直秘閣再上天辭道致逸擬其有怨望語去官
紹聖中削籍歸涪州徽宗即位徙峽州復官又奪於崇寧卒嘉定十三年賜

益曰正公 通鑑輯覽紹聖四年十一月編管程頤于涪州頤時放歸田里帝
 一時與輔臣語及元祐時曰程頤妄自尊大在極筵多不遜于是言者論頤與
 司馬光同惡相濟削籍颺帝州河南尹李 即日遣欲入內別叔母不許
 明日虛以銀一百兩頤亦不受元符三年 即位十月復以程頤判西京國
 子監頤先量移峽州等復宣德即遺洛及足受命未幾致仕 宏簡鐸程頤
 宗初徙岷州俄復其官自以首被大恩不供職何以仰承德意遂受一月之俸
 致仕復存於崇寧卒年七十五紹興初贈直龍圖閣錄其孫易為分寧令 續
 資治通鑑崇寧二年四月追毀程頤出身以求文字范致虛又言頤以和說誠
 行或進象而尹焞張擇為之羽翼乞下河南盡逐李徒頤於是還 唐
 居龍門之南止四方學者曰尊所聞行所知可矣不必及吾門也

義問 故 史附唐介傳介次子字士宜元祐中文字產博萬累集賢殿修撰知
 廣州章博秉政治棄渠鳴罪貶舒州團練副使後七年復故官知

頤 具 余十 史附余良肱傳肱子爽兄字洪範五溪蠻叛斷渠渠道
 存卒 下遣使樹北節制將伐山開道入渠陽賊遂降有節

渠渠軍為若紹聖初治棄渠陽免歸徽宗即位復奉議郎管勾
 王遂親未幾復渠陽為靖州又論前事免終于家崇寧中人竊籍 **李格**

非 史傳字文叔濟南人紹聖立局編元祐章奏以為檢討不就辰執政意通
 判廣信軍召為校書郎遷著作佐郎禮部員外郎提點京東刑獄以黨籍

陳瑾 史傳字崇中南劍州沙縣人徽宗即位召為右正言累權給事
 卒 中出知秦州崇寧中除名竄袁州廉州移柳州稍復之德即安

遷居又徙台州居五年得自便復承事郎卜居江州移南康又移建宜和六年卒諡康初詔諫議大夫紹興二十六年高宗謂輔臣曰陳蕃昔為諫官甚有議議所著碑光集明君臣大分合于易天將地卑及春秋尊王之法雖宜治則以次之溢曰忠肅 通鑑輯覽建中靖國元年冬十月罷陳瓌權給事中自便客告以判即與瓌曰吾與丞相議事多不合今若此是以官辭相解也吾有一書論其過且持入省布大怒信宿出瓌知蔡州崇寧二年正月又置運州後移郴州瓌子正策在杭訟京有勳播東宮迺杭州蔡襄執送京師亭下開封府併遣治瓌獄具正策以所告失實流海上瓌安置通州政和元年十月瓌嘗于台州獄嘗與蔡襄請紹聖史官專據王安石日錄改修神宗史變亂是非不可傳信深明詠妄以正君臣之義張商英為相取其書既上而商英罷瓌徙台州何執中起瓌人石誠知台欲罷瓌以必死械至執瓌至庭大陳獄且將賜以死告以朝廷取尊光集意所以容辱之首百端終不能害執中怒罷瓌瓌平生論京兄弟皆披摘其處心發露其情惡最所忌恨故得禍最酷宣和四年二月管勾太平觀卒 朱子名臣言行錄載陳忠肅公道事云公因朝會見蔡京視日久而不瞬嘗以語人曰京之精神如此他日必貴然於其京賦敢敵太陽吾恐此人得志必擅私逞欲無君自肆矣終居諫省必攻其惡京以甘言啖公公曰杜詩所謂射人先射馬 任伯雨 史傳字德翁眉州眉山擒賊須擒王不得已也於是攻之愈力 人果擢右正言徽宗初政稍可諫論伯雨首擊章惇總論蔡京建中靖國改元當國者欲和調元祐紹聖之人故以中為名伯雨言人才固不當分黨與然自古未有君子小人雜然

並進可以致治者唐德宗坐此致播遷之禍建中乃其紀號不可以不戒伯雨居諫者半歲所上一百人疏大臣畏其多言俾權拾事中徙度支員外郎知杭州崇寧黨事作削籍編管通州為蔡卞所陷與陳璘龔夬張庭堅等十三人告南遷獨伯雨徙昌化若海上三年而歸宜和初卒紹興初贈直龍圖閣加諫議大夫諡照

張庭堅

史傳字才叔廣安軍人徽宗召對除著作郎擢右正中監忠敏

望常安民任伯雨皆在諫列庭堅在職逾月數上封事為帝言司馬光呂公著之賢又薦蘇軾蘇轍可用頗作言付布因稱其所論不當帝命徙為郟出為京東轉運判官改知汝州又改通判陳州初蔡京守衛庭堅在幕府與相好京還朝欲引為已用庭堅不肯往京大恨遂列黨籍編管杭州汝州家州久之復故官卒紹興初

馬消

史無傳通鑑紀事本末卷一百一十一年正月馬消伯雨黨事安

孫訥

故史

字元忠睦陽人元祐中累官左正言紹聖治元祐黨言諸君朋黨之說其監不遠憲序反為類章疏請又言朝廷當示信以靜安天下請如前議語一切勿同章惇惡其拂已出知廣德鎮徙廣州提點湖南刑獄徽宗立復為右司諫遷左司諫以疾卒 宋詩紀事詩餘卷六年道士果官右正言以此龍圖閣知廣德軍卒後

陳郭

史無傳 草堂寺題名有云通判

朱光裔

史無傳 府事河南朱光裔公遠來遊紹聖

二年三月十二日

蘇嘉

史無傳 龔夬 史傳字彥和蘇州人徽宗立召拜殿中侍御史上殿抗疏辨忠邪又乞正元祐

后傳位繼已而元祐后冊再廢有者論夫首尾建言詔制編管房州從象州

化州健步適之所持弱乞錄自給達赦得歸政和元年卒紹興中累贈右諫議

大夫 **王回** 故史附那浩傳字景深仙遊人第進士元符中葉祖洽為樞親

外安其毋通書以聞遂請諸獄除名停廢徽宗立召還舊官權監察

御史敬日本錄其子澳老郊社齋郎蔡京為相奪之仍列名黨籍 **呂**

希績 故史無傳 通鑑輯覽字紀常公 **吳儔** 故史無傳 續通鑑

申故承讓耶吳儔贈直秘閣官其家一人 紹興五年十月庚

借育系也名在黨籍故其家請而賜之 **歐陽中立** 故 **尹材**

故 **葉伸** 故 **李茂直** 四人史 **吳處厚** 史附姦臣蔡確傳

確嘗從處厚學賦及作相處厚通殘乞憐確無汲引意元祐中確知安州郡有

清江卒當成漢陽確固不遠處厚怒曰爾在廟堂時數陷我今比郡作守猶爾

邪會得確車蓋專詩引郝敬山事乃箋釋上之云郝處俊封詭山公唐高宗欲

遜位武后處俊諫止今乃以比太皇太后且用滄海揚塵事此蓋特運之大變

尤非佳器纖滂切害非所宜言確遂南窺 **李積中** 史附李大性傳大

處厚知衢州未幾卒紹聖間追貶歙州司馬 性字伯和端州四

會人其先積中富為御史以直言入元祐黨籍始末豫章李氏自積中三世官

于朝父子兄弟相師友而大性與弟大異大東並蹟從列為名臣云 按崇寧

元年九月積中名列正上等

商倚

故史無傳 宋詩紀事倚淄川人官太學 博士入元祐黨籍有詩見同文館集

陳

祐

史傳作祐字純益仙井人第進士元符末以吏部員外郎拜右正言上疏 徽宗曰有旨令臣與任伯雨論韓忠彥援引元祐臣僚事按賈易舉象求

豐稷張未黃庭堅譚原晁補之劉唐老李昭圯人才均可用特迹近嫌疑而已 今若分別黨類天下之人必且妄意陛下遂去元祐之臣復興紹聖政事今紹

聖人才比肩于朝一切不問元祐之人數十輒攻擊不已是朝廷之上公然立 黨也遷右司諫又論章惇蔡京蔡卞劫隨鄧洵武符旨通判滁州下乞貶伯雨

等約在政中論管漣州 徒歸州復承議郎卒

虞防

李祉

李深

三人史無傳

年正月李深

李之儀

史附李之純傳純從弟字端叔登第三十年乃 從蘇軾於定州幕府元符中舉監內香藥庫御史

石預言其當從蘇軾辟不可以任京官詔勒停徽宗初提舉河東 常平坐為范純仁遺表作行狀編管太平徙唐州終朝請大夫

范正

平

史附范純仁傳純仁子字子夷紹理中為開封尉蔡京留恨正平及當國 言正平矯摛父遺表文李之儀所述純仁行狀妄載中使蔡克明傳二聖

虛竹之意遂以正平述之儀克明同請御史府正平就獄捶楚甚苦皆欲証服 克明曰舊制凡傳聖語受本於御前請寶印出注籍於內東門使從其家得

永州傳宣聖語本有御寶又驗內東門籍皆同獄遂解正 平屬曹家州家屬死者十餘人合赦得歸穎昌以壽終

曹益

楊緝

二人史
俱無傳

蘇晒

史傳字季明武功人始學於張載而事二程卒與元祐末呂大中薦之起布衣為太常博士坐元符上書入邪籍編管使

州卒 草堂寺有蘇晒題名元符三年二月與李復亨趙武陳去華段勺同遊

葛茂宗

劉謂

三人史俱無傳

柴衮

洪羽

史無傳 宋詩紀事洪羽字龜父南昌人黃山谷之甥與弟錫駒父炎玉父羽鴻父俱有才名號四洪陳振孫野錄

解題云洪氏兄弟四人其母黃魯直之妹不淑早世所為賦毀聲者也題父累舉進士不第其季弟羽鴻父坐上書元符中入黨籍終其身詩不傳于世

趙天佐

李新

扈充

張恕

陳并

五人史俱無傳

洪

芻

史無傳 宋詩紀事芻字駒父紹聖元年進士崇寧中入黨籍靖康中為諫議大夫汴京失守坐為金人括財流沙門島卒

周鈞

蕭刊

趙越

滕友

江洵

方适

許端卿

七人史俱無傳

李昭玘

史傳字成季濟南人系提點承興京西京東路刑獄坐元符黨奪官徽宗立召為右司員外郎遷太常少卿崇寧初詔以昭玘

贊煥搖先烈改元豐勅條俱從寬之邪說罷主管鴻慶宮送入黨籍中居閑十五年自號樂靜先生寓意法書圖畫貯于十囊命曰燕游十友自序以為與今人友或趨附而陷于禍吾寧與十者友久益有味也晚知錄州辭不行靖康初復以起居舍人召而已卒紹興初追復直徽猷閣

向紉

陳察

鍾正甫

三人史俱無傳

高茂華

史無傳

宋詩紀事云字秀實呂去仁稱其人物高

遠有出塵之姿

楊彥璋

史無傳

廖正一

史無傳

宋詩紀事字明略號竹林居士安陸人元

入元祐黨籍

豐二年進士元祐中召試館職除祕書省正字出知常州紹聖間人黨籍貶監

玉山稅

邵齋讀書志廖明略元祐中召試館職蘇子瞻在翰林見其所對策

大奇之俄

李夷行

史無傳

宋詩紀事字炳大崇寧間

彭醇

除正字

梁士能

二人史俱無傳

武臣

張弼

李備

王獻可

胡田

馬諗

五人史俱無傳

王履

史無傳 宋詩紀事字坦翁開封人元祐初從父景居南郊思為三班奉職元符上書編置新州入黨籍靖康初除相州觀察使及陷被圍死

之三朝北盟會編載其臨難歌云矯首向天

天今天卒無言忠臣效死兮死亦何愆

趙希夷

史無傳

宗室世系表太祖次子燕王

德昭九世孫希夷乃秉義郎子維之

自孫昭之孫師範之子事跡無攷

任濟

郭子旂

錢盛

三人

史俱無傳 趙希德 史無傳 宗室世系表太祖次子燕王德昭九世孫希德乃武翊大夫子極之曾孫伯慶之孫師璵之子事蹟無攷

王長民 李永 故 王庭臣 吉師雄 李愚

吳休復 故六人史俱無傳 崔昌符 史無傳 按史有崔台符字平叔蒲陰人申明法科累官至光祿大夫元祐初

御史林且上官均發其惡出知潞州又貶秩徙相州後兼監牧使卒或與昌符為兄弟行議以備攷 潘滋 高士權

李嘉亮 李玠 劉延羣 五人史俱無傳 姚雄 史附姚兪傳明子字毅夫年十

入佐父征伐哲宗朝累加防禦使建中靖國初議棄澶州詔訪雄利害雄以爲可棄徙雄知熙州進華州觀察使蔡京用王厚復河邊治棄地罪傳雄官光州居住三年得自便後論爲責經復鳳金州明年聽歸高永年死起 李基 雄和滄州果奉寧軍節度使致仕卒贈開府議同三司謚武忠

史無傳

內臣

梁惟簡 故史附見顧臨傳云中人梁惟簡坐嘗事宣仁太后得罪過洛陽與之宴集又附見陳衍傳以援引張士良梁知新以黨附皆得

罪 陳衍 故

史宦者傳開封人以内侍給事殿庭累官供備庫使梁惟簡薦諸宣仁聖烈皇后主管高韓王宅累出為真定路都監御

史來之邵方力詆元祐政事首言衍在垂簾日交結戚里進退大臣力引所私俾居耳目之地坐貶監郴州酒稅務又編管白州徙配朱崖童惇起獄誣元祐

諸老大臣云結衍輩以謀廢立士良嘗與衍同在宣仁后閣自郴州召之使言其說士良至但言宣仁彌留之際衍嘗可否二府事及用御寶付外而已毀鍊

無所得安惇蔡京乃奏衍疏隔兩宮斥隨龍內侍十餘人于外以翦除人主腹心羽翼意在動搖大逆不道乃故處死令廣西轉運使程節洩其刑 朱子名

臣言行錄引范諫議遺事陳衍初管當御藥院公為諫議就居城西白家巷東鄉陳衍園也衍每匡國中不敢高聲謂同列曰范諫議一言到上前吾輩不知

死所 張士良 史無傳附見陳衍傳詳上 續資治通鑑元符元年三月戊午三省言究治前皇城使張士良辭服士良以御

藥院官給事宣仁聖烈皇后與陳衍更直宮中掌文書其所從違某事皆衍輒目于奪頌降未嘗以聞間有臣僚奏請東朝還政者衍匿其奏置櫃中不以聞

東朝亦不以聞於帝於是蔡京安惇言司馬光劉摯呂大防等交通中人張茂則梁惟簡陳衍之徒微取高位盡變先帝成法深懼陛下下一日親政則必有欺

君用上之刑乃同視却慮密為傾搖之計於是疏隔兩宮及隨龍內侍十人悉行放罷以去陛下之腹心受遺顧命元臣置以必死之地先帝任事之臣無

一存者以翦陛下之羽翼大逆不道死有餘責陳衍罪在不赦 梁知新亦乞更賜審問正以國法誅行於崖州徙士良鴉管白州

故史無傳附見
陳衍傳詳上

李倬 譚展 竇鉞 趙約 黃卿

從 馮說 曾燾 蘇舜民 楊偁 梁弼 陳恂

十一人
史無傳 張茂則 故史宦者傳字平甫開封人初補小黃門五遷至西頭
供奉官哲宗即位累遷至國軍國後加兩省都知卒

紹聖論元祐人以茂則嘗預任使追
貶左監門衛將軍崇寧中入黨籍 張琳 裴彥臣 李偁

故 閻守勲 王紘 李穆 蔡克明 王化基

王道 鄧世昌 鄭居簡 張祐 王化臣 十三人
史無傳

為臣不忠曾任宰臣

王珪 史傳字禹玉成都華陽人哲宗立累進金紫光祿大夫封岐國公
文紹聖中邢恕誘起黃履葉祖洽劉拯交論珪元豐末命事恕又誘

教高道裕子士京上奏言珪欲立憲王由是得罪追貶萬安軍司戶參軍刑請
子籍徽宗即位還其官封蔡京兼收復奪贈諡政和中復之 按王珪原在御

書百二十人數內其後與章惇別 章惇 史姦臣傳字子厚建州浦城人
為一籍不知饒本何以少此人 進士舉甲科哲宗即位累知樞

密院事宣仁憲改悖與蔡確唱定策功權罷悖不自安乃駁司馬光所更役
 法累數千言宣仁怒然知汝州哲宗親政有復熙寧元豐之意首起悖為尙書
 左僕射兼門下侍郎於是專以紹述為國是凡元祐所革一切復之引蔡卞林
 希黃履來之邵張商英周秩翟思上官均居要地任言責協謀朋姦報復仇怨
 小大之臣無一得免死者禍及其孥甚至誣宣仁后謂元祐之初老姦擅國又
 請發司馬光呂公著冢毀其棺哲宗不聽悖意不惟請編額元祐諸臣章疏遂
 治劉安世范祖禹諫禁中屢乳娼事又起同文館獄命蔡京安悖案序廢窮治
 欲覆諸人家又議察訪嶺南將盡殺流人哲宗曰朕遵祖宗遺制未嘗殺戮大
 臣其釋勿治然重得罪者千餘人或至三四論徙天下究之悖用邢恕為御史
 中丞悖託司馬光語范祖禹曰今主少國疑宣訓事猶可慮又誘高士京上書
 言父禮裕臨死屏左右謂士京曰神宗殞之際王珪遣高士充來問曰不知
 皇太后欲立誰我叱士充去之皆欲誣宣仁以此實之悖遂追貶司馬光王珪
 結中官郝隨為助欲追廢宣仁后自皇太后太妃皆力爭之哲宗或語其美
 隨規知之語悖悖與蔡卞明日悖卞再言哲宗怒曰卿等不欲朕入英宗廟乎
 悖卞乃已悖又以皇后孟氏元祐中宣仁后所立迎合郝隨勸哲宗起掖庭祕
 獄託以左道廢后瑤華宮其後哲宗頗悔乃歎曰章悖壞我名而哲宗崩謝宗
 立遷悖特遣封申國公為山陵使蓋廢昭澤中瑜翁而行言者劾其不恭罷知
 越州尋貶武昌軍節度副使潭州安置右正言任伯雨論其欲追廢宣仁后又
 貶雷州司戶參軍徙睦州死政和中追贈觀文大學士紹聖五年高宗嗣任伯
 雨後殘手詔曰悖詆誣宣仁后欲追廢為庶人頓哲宗不從其請使其自施用

豈不上累承陵貶昭化軍節度副使子孫不得仕于朝詔下海內稱快通鑑
轉覽遂中靖國元年二月章惇貶雷州司戶參軍初蘇轍謫雷不許占官舍遂
就民屋惇又以爲強奪民居下州先治以就券甚明乃止至是惇問舍於民
曰前蘇公來爲章丞相幾破我家今不可也後徙睦州死積資治通鑑崇寧
四年十一月己未舒州團練副使湖州安置章惇死惇四子連登科無顯者死
之日羣妾分爭金帛停屍數日無人在側爲鼠食其一指又曰有虞仙姑者
年八十餘蔡京嘗具飯招仙姑見大貓指而問京曰叢之否此章惇也意以諷京京大不樂

金石萃編卷一百四十四終

金石萃編卷一百四十五

賜進士出身 誥授光祿大夫刑部右侍郎加七級王昶謨

宋二十三

元祐黨籍碑本末

哲宗紹聖元年五月癸丑編類元祐羣臣章疏及更改事條 七月戊午詔大臣明黨司馬光以下各輕

重議罰布告天下餘悉不問議者亦勿復言

宋史本紀

二年十二月乙酉曾布言文彥博劉摯王存王巖叟輩皆詆毀先朝去年施行元祐之人多漏網者惇曰三省已得旨編類元祐以來臣僚章疏及申請文字

密院亦合編類帝以爲然許將再奏曰密院已得指
揮編修文字乞便施行從之

四年正月丙午詔應紹聖二年十二月十五日類定
姓名責降人子孫弟姪各不得住本州其鄰州內子
孫仍竝與次路遠分合入差遣已授未赴并見在人
竝罷以上續資治通鑑

三月壬午命官編類司馬光等改廢法度論奏事狀
宋史本紀

三月壬午中書舍人塞序辰言前日追正司馬光等
罪惡實狀竝取會編類人爲一本分置三省樞密院

以示天下後世之大戒從之章惇蔡卞請命序辰及直學士院徐鐸主其事由是搢紳之禍無一得脫者

四月丁酉進編臣僚章疏一百四十三帙 五月

辛未詔榜示朝堂曰朕獲承先構永惟休烈盛美欲以昭示萬世而頃遭羣姦逞憾力肆詆排政事人材廢毀殆盡思與卿士大夫共承厥志念今在廷之臣乃陰懷私恩顯廢公議以姦臣所斥逐爲當罪所變更爲得宜以先帝所建立爲不然所褒擢爲非當借譽餘黨幸復甄收扇爲是非不定之論欲開善否更用之端朕察言觀事灼見邪心欲正典刑當申儆戒

其或怙終必罰無赦

元符元年二月丙申詔河北路轉運副使呂升卿提舉荆湖南路常平等事董必竝爲廣南東西路察訪蔡京等究治同文館獄卒不得其要領乃更遣二人橫外謀盡殺元祐流人時朝廷猶未知劉摯梁燾之死已而知之二人竝罷 初章惇蔡卞恐元祐舊臣一旦復起日夜與邢恕謀所以排陷之者旣再追貶呂公著司馬光又責呂大防劉摯梁燾范祖禹劉安世等過嶺意猶未慊仍用黃履疏高士英狀追貶王珪皆誣以圖危上躬其言浸及宣仁皇后帝頗惑之

最後起同文獄將悉誅元祐大臣內結宦者郝隨爲
助專媒孽垂簾時事張士良者前竄雷州惇卞逮赴
詔獄欲使證宣仁廢立及士良至以舊御藥告并列
鼎鑊刀鋸置前謂之曰言有卽還舊官言無則死士
良仰天哭曰太皇太后不可誣天地神祇何可欺也
乞就戮京惇無如之何但以陳衍罪狀塞詔宣仁廢
立之議由是得息 六月壬寅詔塞序辰安惇看詳
元祐訴理所陳述語言於先朝不順者職位姓名別
具以聞序辰初有是請帝亦厭之蔡卞勸章惇力使
必行故有是詔自後緣訴理被禍者凡七八百人序

辰及惇實啓之 九月丙辰蹇序辰安惇以訴理事
入對曾布言此事株連者衆恐失人心昨朝廷指揮
令言有不順者具名聞奏中外皆以爲平允然恐議
論者更有所加願聖意裁察臣嘗謂訴理之人本無
可罪今刑部左右兩曹一主斷獄一主叙雪蓋自祖
宗以來凡得罪輕斷訴雪者比比而有但元祐用事
之人特置一司以張大其事信爲可罪其訴雪者似
不足深責帝深納其言而序辰及惇所陳已紛紛矣
十一月甲子除元祐餘黨及特旨行遣者並與置

移以上宋元通鑑

續資治通鑑

徽宗卽位元符三年四月先是韓忠彥言哲宗卽位
嘗詔天下實封言事獻言者以千百計章惇旣相乃
置局編類摘取語言近似者指爲謗訕前日應詔者
大抵得罪今陛下又詔中外直言朝政闕失若復編
類則敢言之士必懷疑懼臣願急詔罷局盡哀所編
類文書勅之禁中中書舍人曾肇亦言祖宗以來臣
僚所上章疏未嘗編寫蓋緣人臣指切朝政彈擊臣
下皆是忘身爲國不顧後禍朝廷若有施行往往刊
去姓名只作臣僚上言所以愛惜言事之人不使招
怨若一一編錄傳之無窮萬一人子孫見之必結

深隙祖宗以來未嘗編錄意恐在此今編錄既非祖宗故事又有限定年月且元豐八年四月已前上至國初元祐元年四月十二日已後下至今日章疏何爲皆不編類而獨編此十年章疏臣所未喻欲乞指揮將中書樞密寫人等竝各放罷帝嘉納之癸亥詔罷編類臣僚章疏局翼日吏部侍郎徐鐸取已編類成書者悉行進入 冬十月初章惇旣能知越州陳瓘等以爲責輕復論惇在紹聖中置看詳元祐訴理局凡于先朝言語不順者加以釘足剥皮斬頭拔舌之刑其慘刻如此看詳官如安惇蹇序辰受大臣風

諭傳致語言指爲謗訕攷之公論宜正典刑于是二

人竝除名放歸田里而貶章惇武昌軍節度副使潭

州安置

歷代通鑑輯覽宋元通鑑

十一月詔改元時議以元祐紹聖均有所失欲以大

公至正消釋黨朋遂詔改明年元爲建中靖國由是

邪正雜進矣

通鑑輯覽

改元詔下御史中丞王覲言建中之名雖取皇極然

重襲前代紀號非是宜以德宗爲戒時任事者多乖

異不同覲言堯舜禹相授一道堯不去四凶而舜去

之堯不舉元凱而舜舉之事未必盡同文王作邑於

豐而武王治鎬文王闕市不征澤梁無禁周公征而
禁之不害其爲善述神宗作法於前子孫當守於後
至於時異事殊須損益者損益之於理固未爲有失
也當國者忿其言遂改爲翰林學士由是邪正雜進
矣初曾布密陳紹述之說帝不能決以問給事中徐
勣勣對曰聖意得非欲兩存乎天下之事有是與非
朝廷之人有忠與佞若不考其實姑務兩存臣未見
其可也

宋元
通鑑

建中靖國元年二月任伯雨又言蔡卞惡甚於章惇
遂陳其大罪有六曰誣罔宣仁保佑之功欲行追廢

一也凡紹聖以來竄逐臣僚皆卞啓而後行二也宮中厭勝事作卞乞掖庭置獄只遣內臣推治皇后以是得罪三也編排元祐章疏被罪者數千人議自卞出四也激怒哲宗致劄浩遠謫又請治其親故送行之罪五也蹇序辰建看詳訴理之議惇遲疑未應卞以二心之言脅之惇卽日置局士大夫得罪者八百三十家六也卞陰狡險賊惡機滔天門生故吏徧滿中外今雖薄責猶如在朝人人慄恐不敢回心向善朝廷邪正是非不得分別馴致不已姦人復進天下安危殆未可保也奏入不省 十一月壬午三省奏

事訖曾布獨畱進呈內降起居郎鄧洵武所進愛莫助之圖其說以爲陛下方紹述先志羣臣無助之者其圖如史書年表例自宰相執政侍從臺諫郎官館閣學校分爲七隔每隔旁通左曰紹述右曰元祐左序助紹述者執政中惟溫益一人其餘每隔止三四人如趙挺之范致虛王能甫錢適之屬而已右序舉朝皆在其間至百餘人又於左序別立一項小貼揭去布密稟揭去臣僚姓名帝曰洵武謂非相蔡京不可以不與卿同故去之布曰洵武所陳旣與臣所見不同臣安敢與議明日遂改付溫益益欣然奉行乞

籍記異論之人於是帝決意用京矣

宋元通鑑

十一月再詔改元曾布主于紹述請改明年元爲崇

寧帝從之

通鑑輯覽

崇寧元年五月庚午臣僚上言先朝貶斥司馬光等
異議害政播告中外天下共知方陛下卽位之初未
及專攬萬機當國之臣不能公平心意檢會事狀詳
具進呈以次率復今日再招人言遂至煩紊伏望陛
下明諭執政大臣使公共參議詳酌事體原輕重之
情定大小之罪上稟聖裁特賜行遣如顯有欺君負
國之實遂自宜放棄不足收卹其間亦有干連牽挂

偏執愚見情非姦誣者乞依近年普博之恩使有自
新之路則天下之氣平而紛紛之論息矣乙亥詔故
追復太子太保司馬光呂公著太師文彥博光祿大
夫呂大防大中大夫劉摯右中散大夫梁燾朝奉郎
王巖叟蘇軾各從裁減追復一官其元追復官告並
繳納王存鄭雍傅堯俞趙瞻趙鼎孫升孔文仲朱光
庭秦觀張茂則范純仁韓絳蘇轍范純粹吳安詩范
純禮陳次升韓川張耒呂希哲劉唐老歐陽棐孔平
仲畢仲游徐常黃庭堅晁補之劉跂王鞏劉當時常
安民黃隱張保源汪衍余爽湯械鄭俠常立程頤張

吳等四十人

通鑑輯覽宋元通鑑俱作四十四人

行遣輕重有差唯孫固為

神考潛邸人已復職名及贈官免追奪任伯雨陳祐

張庭堅商倚等竝送吏部令在外指射差遣陳瓘龔

夬竝予祠其司馬光等責詞皆曾布所草定也又詔

應元祐竝元符今來責降人韓忠彥曾任宰臣安燾

係前執政王觀豐稷見任侍從外蘇轍范純禮劉奉

世等五十七人竝令三省籍記不得與在京差遣

通鑑

輯覽崇寧元年五月詔籍元祐元符黨人蘇轍范純禮劉奉世范純禮到安世

賈易曰希純張舜民陳太升韓川呂仲甫張耒歐陽棐呂希哲到唐老吳安詩

黃庭堅黃隱舉仲游常安民劉當時孔平仲徐常王鞏張保原晁補之商倚張

庭堅謝良佐韓跋馬琮陳彥默李祉陳祐任伯雨陳邦朱光裔蘇嘉卿侯到昱

魯君貺陳璠龔夬江衍余爽湯敏程頤朱光庭張昇張士良曾熈

趙約談展楊偁陳向張琳裴彥臣凡五十餘人不得與在京差遣

丙子詔

應元祐以來及元符末未嘗以朋比附會得罪者除已施行外自今以往一切釋而不問在言責者亦勿復輒言 八月丙子詔司馬光呂公著王巖叟朱光

庭孔平仲孔文仲呂大防劉安世劉摯蘇軾梁燾李周范純仁范祖禹汪行湯馘李清臣豐稷鄒浩張舜

民子弟竝毋得官京師

按宋史本紀云詔司馬光等二十一人毋得官京師此所載只二十八爲異

九月乙未詔中書籍元符三年臣僚章疏姓名分正邪各爲三等於是中書奏正上鍾世美喬世材何彥正黃克俊鄒洵武李積中六人正中耿毅等十三人正下許奉世等二十二人邪上尤甚范柔中等三十

九人邪上梁寬等四十一人邪中趙越等一百五十

人邪下王鞏等三百十二人已亥御批付中書省應

元祐資籍并元符末叙復過當之人各具元籍定姓

名進入于是蔡京籍文臣執政官文彥博等二十二

人文彥博呂公著司馬光安燾呂大防劉摯梁燾王巖叟范純仁王珪王存傳

堯俞趙鼎韓維孫固范百祿明宗念李清臣蘇轍劉奉世范純禮陸佃通鑑

綱覽宋元通鑑載二十四人增待制以上官蘇軾等三十五人

多韓忠彥鄭雍二人餘並同此

蘇軾范祖禹王欽臣姚勛顧臨趙君錫馬默孔武仲王汾孔文仲朱光庭吳安

持鎮鄧李之純孫覺鮮于侁趙彥若趙高孫升李周劉安世韓川賈易呂希純

曾盛王觀范純粹楊長呂陶王古

陳次升豐稷謝文瑞鄭浩張舜民

餘官秦觀等四十八人秦觀湯
可馬康朱保國吳安詩張耒黃隱歐陽棻呂希哲劉唐老晁補之黃庭堅畢仲

游常安民汪衍孔平仲王鞏張保源余爽鄭俠常立程頤余卞唐義問李格非

商倚張庭堅李祉陳佑任伯雨陳鄂朱光裔蘇嘉陳璣龔夫呂希積歐陽

中立吳儁呂仲甫徐常劉當時馬琮謝良佐陳彥默劉昱魯君貺韓跋

內

臣張士良等八人

張士良曾憲趙約譚裴楊偁陳恂張琳裴彥臣

武臣王獻可等四

人王獻可張翼李備胡田等其罪狀謂之姦黨請御書刻石於端

禮門

攷異曰此據長編所列姓名人數李壽曰七月二日魯君既到是李常呂仲甫朱光裔馬琮劉常時謝良佐陳彥然八人已出籍恐此姓名不

當又見九月十七日十七日即己亥也今按宋史徽宗紀崇寧元年九月己亥籍元祐及元符末宰相文彥博等侍從蘇軾等餘官秦觀等內臣張士良等武

臣王獻可等凡百有二十人御書刻石端禮門而長編所列姓名止一百十七人尙少三人恐有遺脫其出籍八人又不當在內則所闕共十一人矣又二年

九月從臣僚之請願端禮門石刻于天下長編載御史臺抄錄到名數又止九十八人彼此舛錯不齊未知何故按考異所引李壽長編載已出籍者八人

今以碑校內李常前作徐常此八人碑已無名而此外尙有韓致一人不見於碑又按通鑑輯覽所載二百二十人姓名次序詳畧與此不同併錄於此以備

攷云時元祐元符末羣賢貶息死徙者畧盡蔡京猶未愜意乃與其客強發明

棄夢得籍宰執司馬光文彥博呂公著呂大防劉摯范純仁韓忠彥王珪梁燾

王巖叟王存鄭雍傅堯俞趙鼎韓維孫固范百祿胡宗愈李清臣蘇轍劉奉世范純禮安燾陸佃留任待制以上官蘇軾范祖禹孔文仲孔武仲朱光庭孫覺鮮于侁賈易鄒浩等餘官程頤秦觀張耒晁補之黃庭堅孔平仲等及內臣張士

良等武臣王獻可等凡百二十八人謂之姦黨請御書刻石於端禮門又按薛氏

通鑑所載百二十人除年執二十四人與甄覽同其待制以上官曰蘇軾范祖
萬王欽臣龔夬顯臨趙君錫馬默王玘文仲孔武仲朱光庭孫覺吳安持錢勣李之
純趙彥若趙鼎孫升李周到安世韓川呂希純曾肇王觀范純粹王畏呂陶王
古陳次升晏覆謝文瓊鮮于侁賈易鄒浩張舜民餘官程頤謝良佐呂希哲呂
希雍見補之黃庭堅畢仲游常安民孔平仲司馬康吳安詩張耒歐陽棐陳瑾
鄭俠秦觀徐常湯燾杜純宋保因劉唐老黃隱王鞏張保源汪行余大常立唐
善問余卞李格非尚倚張庭堅李祉陳佑任伯雨朱光裔陳鄂蘇嘉真吳歐陽
中立吳舜昌仲甫劉當時馬琮陳彥劉昱魯君貺韓跋內臣張士良魯熹趙約
譚翁王偁陳詢張琳裴彦臣武臣王獻可張與李偕胡田凡百
二十人較輯覽加詳而次序與此本迥異姓名亦間有不同

庚子贈宣

德郎鍾世美為右諫議大夫錄其子為郊社齋郎世

美元符末提舉福建路常平應詔上書乞復熙寧紹

聖政事至是第為正上等第一故有此恩餘正等四

十人悉加旌擢其邪等五百四十二人降責有差

按此與兼

都事略小異詳見下
以上並續資治通鑑

冬十月戊辰詔責降官觀人不得同一州居住丙子
劉奉世等二十七人坐元符末黨與變法並罷祠祿

宋史
本紀

冬十月復廢元祐皇后孟氏貶韓忠彥等官竄豐稷
陳瓘等于遠州時元符皇后閤宦者郝隨諷蔡京再
廢元祐皇后京未得聞既而昌州判官馮澥上書論
復后爲非於是御史中丞錢遜殿中侍御史石豫左
膚逵章論韓忠彥等乘一布衣誑言復瑤華之廢后
掠流俗之虛美當時物議固已洶洶乃至疎逃小臣
請闕上書忠義激切則天下公議從可知矣京等皆

主其說帝從之詔罷元祐皇后之號復居瑤華宮且
治元符末議復后號者降宰臣韓忠彥曾布官追貶
李清臣雷州司戶叅軍黃履邠州團練副使安置翰
林學士曾肇御史中丞豐稷諫臣陳瓘龔夬等十七
人于遠州擢馮澥鴻臚寺主簿

宋元通鑑

十一月甲辰詔曰元符末下詔求直言蓋欲廣朕聞
見裨益政治比以所上章疏付之有司放其邪正令
具名來上其間忠言讜議指陳闕失力陳父子兄弟
繼述友恭之義者四十一人悉令旌擢以勸多士內
有附會姦慝誣毀先帝政事總五百四十一人然言

有淺深罪有輕重取其詆毀謗斥尤甚者三十人可

逐之遠方次等四十一人其言亦多詆訛各逐等第

責降以戒爲臣之不忠者

東都事畧徽宗紀 按此卽續通鑑九月庚子一條而詳畧小異因并錄之以

備錄

十二月丁丑詔諸邪說誖行非先聖賢之書及元祐

學術政事並勿施用

二年三月乙酉詔黨人子弟毋得擅到闕下其應緣

趨附黨人罷任在外指射差遣及得罪停替臣僚亦

如之癸卯賜禮部奏名進士及第出身五百三十八

人其嘗上書在正等者升甲邪等者黜之

並宋史本紀

時李階舉禮部第一階深之子而陳璣之甥也安忱對策言使黨人之子魁多士無以示天下遂奪階出身而賜忱第忱惇兄也又黃定等十八人皆上書邪等帝臨軒召謂之曰卿等攻朕短可也神宗哲宗何負於卿等亦竝黜之皆從蔡京言也 四月乙亥詔蘇洵蘇軾蘇轍黃庭堅張耒晁補之秦觀馬涓文集范祖禹唐鑑范鎮東齋記事劉攽詩話僧文瑩湘山野錄等印板悉行焚毀 詔追毀程頤出身以來文字除名其入山所著書令本路監司覺察時臣僚上言程頤學術頗僻素行譎怪勸講經筵有輕視人主

之意議法太學則專以變亂成憲爲事故有是詔

六月庚申詔元符末上書進士頗多詆訕令州郡遣入新學依太學自訟齋法候及一年能革心自新者許將來應舉其不變者當屏之遠方 七月辛卯詔

上書進士見充三舍生者罷歸乙巳吏部言程頤子端彥見任鄱陵縣尉卽係在京府界宜放罷從之因下詔責降人子弟毋得任在京及府界差遣 九月

壬午詔宗室不得與元祐姦黨子孫及有服親爲婚姻內已定未過禮者並改正庚寅詔上書邪等人知縣以上資序並與外祠選人不得改官及爲縣令

臣僚上言近出使府界陳州士人有以端禮門石刻
元祐姦黨姓名問臣者其姓名雖嘗行下至於御筆
刻石則未盡知近在畿甸且如此况四遠乎乞特降
睿旨以御書刊石端禮門姓名下外路州軍於監司

長吏廳立石刊記以示萬姓從之

攷異云長編御史臺抄錄到元祐姦黨曾任宰臣文彥博

呂公著司馬光呂大防劉摯范純仁韓忠彥王珪執政官梁燾王巖叟王存勳
雍傳堯俞趙瞻韓維孫固范百祿胡宗愈李清臣蘇轍劉奉世范純禮陸佃安
燾待制以上官蘇軾范祖禹王欽臣姚勳顧臨趙君錫馬默孔武仲王汾孔文
仲朱光庭吳安持錢勰李之純孫覺鮮于侁趙彥若趙處孫升李周劉安世韓
川賈易呂希純曾肇王翬范純粹楊畏呂陶王古陳次升豐稷謝文瓘鄒浩張
舜民餘官秦觀湯敏杜純司馬康宋保國吳安詩張耒歐陽棐呂希哲劉唐老
吳補之黃庭堅黃隱畢仲游常安民孔平仲王翬張保源任衍余爽鄭俠常立
程頤唐義問余卞李格非商倚張庭堅李祉陳祐任伯兩陳邦朱光裔蘇嘉陳
璠龔夬呂希績歐陽中立吳備而內臣武臣不與焉通計止九十八人其所列
姓名次序亦與元年小異今具錄以備恭攷云 按此條與元年小異者曾任

宰臣內韓宗彥鄭雍二人為元年所無餘俱相同

十一月庚辰詔以學術政事聚徒

傳授者委監司舉察必罰無赦 十二月丁巳詔臣

僚姓名有與姦黨人同者竝令改名從權開封府吳

拭奏請也時改名者五人朱紱李積中王公彥江湖

張鐸

按碑有江湖無江湖張鐸姓名亦未見

三年春正月辛巳詔上書邪等人毋得至京師 二

月己酉詔王珪章惇別為一籍如元祐黨 六月戊

午詔重定元祐元符黨人及上書邪等者合為一籍

通三百九人刻石朝堂餘並出籍自今毋得復彈奏

元祐姦黨文臣曾任宰臣執政官司馬光等二十七

人待制以上官蘇軾等四十九人餘官秦觀等一百

七十六人武臣張英等二十五人內臣梁惟簡等二

十九人爲臣不忠曾任宰相二人按續資治通鑑人數下各注姓名今以碑校之姓名皆同

間有異者分注各人之下此不復出其有次序互異者無甚關係亦不勝論惟餘官一百七十六人據碑是一百七十七人內失載周遵道一人且不合三百九人之數疑誤

壬戌蔡京奏奉詔令臣書元祐姦黨姓名恭

唯皇帝嗣位之五年旌別淑慝明信賞罰黜元祐害

政之臣靡有佚罰乃命有司夷攷罪狀第其首惡與

其附麗者以聞得三百九人皇帝書而刊之石置於

文德殿門東壁永爲萬世子孫之戒又詔臣京書之

將以頒之天下臣敢不對揚休命仰承陛下孝悌繼

述之志謹書元祐姦黨名姓仍連元書本進呈於是

詔頒之州縣令皆刻石

按此奏京師取其詳序於碑首而其文稍異因備錄於此又按通鑑續編時戶部

尚書劉珙字彥修宣州南陵人言漢唐失政皆自朋黨始今日指前日之人為黨焉知後日不以今日為黨乎大抵人之過惡自有公論何必悉拘于籍而禁

錮之哉蔡京大不憚風臺諫劾之出知新州

十一月庚辰詔上書邪等選人除

不得注知縣令丞外其職官錄叅判司簿尉並許差

注 丙申祀園丘大赦應係貶謫官員除元祐姦黨

籍及別有指揮不許移放之人外未量移者與量移

四年五月戊申除黨人父兄弟子弟之禁 七月丁巳

手詔應上書奏疏見羈管編管人可特與放還鄉里

仍令三省量輕重具名立此聞奏 八月壬辰詔應

上書編管進士已放歸鄉里親戚保任者若犯流以上罪或擅出州界或不改革輒有謗訕其保任與同

九月己亥詔元祐姦黨久責遐裔用示至仁稍從

內徙應嶺南移荆湖荆湖移江淮江淮移近地唯不

得至四輔畿甸

除上書已經量移及近鄉人外其被詔量移者凡五十人鄭浩陳大升余爽范正平范柔中黃庭堅陳瓌任

伯兩張庭堅陳夫李祉王道梁弼陳恂馬諡王履郭子旂趙彥德王長民張林

范純粹閻守勳王化基曾布劉安世孫琮馬洵李深曾紆蔡克明鄭居簡韓忠

彥范純禮安燾王古曾璧朱師服張耒呂希純王觀豐稷張舜民謝文瓊龔原

吳安遜馮說梁安國王箴曾熹裴彥臣朱紱李穆鄧世昌王化臣李之儀江公

望陳

十月戊子詔上書進士未獲者限百日自陳

免罪

按此條見宋史本紀

十二月癸巳御筆手詔曰昨降手劄

應上書奏疏見編管羈管人令還鄉里責親屬保任

而有司止從量移其誣謗深重除范柔中鄧考甫不
 放外餘並依已降指揮放還鄉里令親屬保任如法
 五年春正月乙巳以星變避殿減膳詔中外臣僚並
 許直言朝政闕失毀元祐黨人碑又詔應元祐及元
 符末係籍人等遷謫累年已足懲戒可復仕籍許其
 自新朝堂石刻已令除毀如外處有姦黨石刻亦令
 除毀今後更不許以前事彈糾常令御史臺覺察違

者劾奏

攷異曰宋史劉述傳初以附蔡京躡進京以彗星見去相而述貳中書首劾徽宗碑元祐黨碑寬上書邪籍之禁陳經通鑑編采此說

後人皆因之案毀碑寬禁在京罷相前一月宋史誤又東都事畧劉述傳及李氏長編並不載述語恐非事實編又云帝夜半造黃門毀石刻翼日蔡京見之厲聲曰石可毀名不可滅也亦未知出何書姑附記於此按毀碑之事雖在京罷相前一月然宋史蔡京傳亦云帝以言者毀黨碑則毀碑自出於言者非經由帝

命取所謂百者即劉達未可知又蔡京國聲曰云云通鑑輯覽亦載之

丁未太白晝見大赦天下除

黨人一切之禁又詔已降指揮除毀元祐姦黨石刻

及與係籍人叙復注擬差遣深慮愚人妄意臆度覲

欲更張熙豐善政苟害繼述必置典刑 庚戌三省

同奉聖旨叙復元祐黨籍曾任宰臣執政官劉摯等

十一人

劉摯梁燾李清臣王巖叟輕第二等韓忠彥曾布范純禮安燾劉奉世輕第三等黃履

待制以上官蘇

軾等十九人

蘇軾劉安世曾肇鄭浩朱光庭輕第二等孔文仲范純樸稹稹王古張舜民朱師服謝文瓊賈易呂希純楊長輕第三等

陳次升郭知章朱紱葉祖洽

文臣餘官任伯雨等五十五人

重第一等任伯雨范柔中鄒考

甫張庭堅馬洵封覺民輕第一等黃庭堅陳祐李祉張耒李深李之儀周道孫

琮胡端修趙令時吳安遜王焄曾紆江公望李積中汪衍梁寬沈千曹興宗王極陳師錫楊環竇陳升黃安期高漸潘刘趙越滕友陳唐李昭玘倪直孺高茂華歐陽棻陳察廖正一劉唐老楊彥璋張恕梁士能錢景祥李夷行吳處厚張

鳳輕第三等秦希甫都
貶鍾正甫許端卿向級
選人呂亮卿等六十七人
輕第二等呂諒
卿鄭俠余爽范

正平楊琳蘇昞葛茂宗劉涓柴裘洪羽趙天祐李新馬百樂趙珣李傑李黃郭
執中石芳金極高公應安信之張策黃策周永徽鮮于綽王貫蘇迥慶固何大

受于羅黃遷方侯正許堯輔楊肅胡良梅君俞冠宗顏張居厚李修黃才曹望
侯顯道周遵道林尚宋壽岳王交張博許安修胡潛董庠蔣津王守節允中梁

以民王陽張裕陸表民江海王公考方适鹿敏
求萃世英呂彥祖何大正衡灼寰公適王察
十一月癸丑臣僚

上言伏觀崇寧五年七月二日敕應係舊籍人子弟

許到闕者見訖赴部令預集注三次集滿不授差遣

者將與直差又選人限一季若在外指射差遣者聽

免直差朝俸訖限三日出門此陛下慮浸久有害紹

述故畧為防限以示好惡也然到闕而見與見訖赴

部初無日限伏望特旨令到闕三日即投下文字朝

見訖三日卽赴部所有集注直差朝辭出門自從舊
條則異趨之徒不得倚法之脫畧而害紹述之聖政
若乃上書邪等人公肆狂妄非上之所建立所謂躬
自蹈之殆與係籍子弟連坐者異矣是宜得罪重於
子弟今陛下縱以仁心矜貸此旨亦當固爲防限臣
愚以謂宜於七月三日敕內添入上書邪等庶幾繼
志述事明示四海仁心義政並用不廢從之
大觀元年五月癸卯詔自今凡總一路及監司之任
勿以元祐學術及異議人充選

二年三月門下中書後省左右司言檢會今年正月

一日赦書元祐黨人懷姦睥睨報怨不已公肆詆誣
 罪在宗廟者朕不敢貸其或情輕法重例被放棄或
 非身自犯因人得罪或志非誣謗言有近似或本緣
 辦理語涉譏訕或止因職事偶涉更改凡此之類不
 據元貶責罪犯審量其情分輕重等第取情理輕者
 與落罪籍甄叙差遣今將元編類冊內依詳赦文看

詳到孫固等四十五人

孫固陸佃王存恭少詩趙贇安燾顧臨張問
朱師服錢德王欽臣楊畏李之純王汾馬然

肩剛向級李昭玘歐陽棐陳察梁士能楊彥琦李真鍾正甫許端知趙彥若賈
易姚勳呂希績歐陽中立葉伸陳郭朱光奇蘇嘉吳壽常立李茂直司馬康都
既郭忠臣廖正一呂希哲秦希甫張耒杜洵

詔除孫固安燾賈易外餘並出籍又

看詳到葉祖洽等六人

葉祖洽郭之章上官均
朱紱神師板錢景祥

詔並出籍

六月戊戌門下中書後省左右司復依赦看詳到韓

維等九十五人詔並出籍

韓維楊傑國趙尚鮮于先賢張敦逸呂希純岑象求孔武仲葉濬唐義周余

下宋保國李深陳祐商術李之儀范正平李社韓治曾好黃隱馬給王履任端

趙希德郭子所劉廷鑾錢盛吳休復崔昌符李遇李玩吉思雄趙希夷王庭臣

高士權李永王獻可李嘉亮姚雄潘滋高茂華陳友張渭梅君俞楊璣賈林庸

彭醇呂彥祖陳唐曾望王守南與宗高公應黃才江公望黃安期梁俊民王貫

張集鹿敏求李賁高士育逢純熙趙令時倪直鵬沈干宋善昌侯觀道趙越周

錫蕭列高遵裕劉調楊珠仰允千董祥王交楊勵于肇劉勃許齊輔謝清張風

何大正張裕洪知祥于紳李積中馮百藥袁公適李新

許安修案此據長編所列止九十四人蓋脫去一姓名 戊申三省檢會

正月一日赦書應元祐黨人不以存亡及在籍可特與叙官勘會前任宰臣執政官見存人韓忠彥蘇轍

安燾身亡人文彥博呂公著呂大防劉摯曾布章惇

梁燾王巖叟李清臣范純禮黃履詔見存人與復一

官文彥博等亦各追復有差

以上並通鑑輯覽宋元通鑑續資治通鑑

三年秋七月丁未詔謫籍人除元祐姦黨及得罪宗廟外餘並錄用

四年三月戊辰詔上書邪下等人可依無過人例今後改官升任並免檢舉 閏八月辛酉詔戒朋黨政和元年十一月壬戌以上書邪等及曾經入籍人並不許試學官

二年春正月甲子制上書邪等人並不除監司

重和元年春正月己丑應元符末上書邪中等人依無過人例 九月癸巳禁羣臣朋黨

宣和四年十一月庚午上書邪上等人特與磨勘上

宋史本紀

五年秋七月禁元祐學術中書言福建印造司馬光等文集詔令毀板凡舉人傳習元祐學術者以違制

論通鑑輯覽

六年冬十月庚午詔有收藏習用蘇黃之文者並令

焚毀犯者以大不恭論宋史本紀 按此條宋元通鑑與五年七月同系其日日庚午通鑑輯覽亦同條而不系庚午皆不

作六年十月

欽宗靖康元年二月壬寅除元祐黨籍學術之禁以上宋史

宋本 七月除元符上書邪等之禁通鑑輯覽 薛氏通鑑

總論

哲宗皇帝爰自冲年嗣膺大歷是時宣仁其政登進忠賢以安天下故元祐致治之盛庶幾仁宗及紹聖親政起熙豐舊人而用之元祐政事一切務以相反烏虜哲宗之英毅開敏有能致之資惜乎大臣不以忠厚而事其上也

東都事略哲宗本紀贊

紹聖初哲宗親政用李清臣爲中書侍郎范丞相純仁與清臣論事不合范公求去帝不許范公堅辭帝不得已除觀文殿大學士判頰昌府召章惇爲相未至清臣獨當國中書益親倖相位復行免役青苗法除

諸路常平使者停至不能容以事中之清臣出知北
京建中靖國初上皇卽位用韓忠彥爲相清臣爲門
下侍郎忠彥與清臣有嫌故忠彥惟清臣言是聽清
臣復用事范右丞純禮忠彥所薦清臣罷之劉安世
曰希純皆忠彥所重清臣不使入朝外除安世帥定
武希純帥高陽張舜民忠彥薦爲諫大夫清臣出之
帥真定其所出與外除及不使入朝者皆賢士清臣
素所憚不可得而用者忠彥懦甚不能爲之主曾布
爲右相用范致虛諫疏云河北三帥連衡恐非社稷
之福劉安世呂希純同日報罷清臣亦爲布所陷出

知北京伯溫常論紹聖建中靖國之初朝廷邪正治亂未定之際皆爲一李清臣以私意幸相位壞之邪說旣勝衆小人竝進清臣自亦不能立於朝矣使清臣在紹聖初同范丞相在建中靖國初同范右丞劉安世呂希純張舜民以公議正論共濟國事則朝廷無後日之禍而清臣亦得相位享美名矣此忠臣義士惜一時治亂之機爲之流涕者也 哲宗卽位宣仁后垂簾同聽政羣賢畢集於朝專以忠厚不擾爲治和戎偃武愛民重穀庶幾嘉祐之風矣然雖賢者不免以類相從故當時有洛黨川黨朔黨之號洛黨

者以程正叔爲領袖朱光庭賈易爲羽翼川黨者以
蘇子瞻爲領袖呂陶等爲羽翼朔黨者以劉摯梁燾
王巖叟劉安世爲領袖羽翼尤衆諸黨相攻不已正
叔多用古禮子瞻謂其不近人情如王介甫深嫉之
或加玩侮故朱光庭賈易不平皆以謗訕誣子瞻執
政兩平之是時既退元豐大臣于散地皆銜怨刻骨
陰伺間隙而諸賢不悟自分黨相毀至紹聖初章惇
爲相因以爲元祐黨盡竄嶺海之外可哀也呂微仲
秦人慈直無黨范滂南蜀人師溫公不立黨亦不免
竄逐以死尤可哀也

蘇氏
見錄

紹聖初章申公以宰相召道過山陽陳忠肅公隨衆
謁之章素聞公名獨請登舟共載而行訪以當世之
務公曰請以所乘舟爲喻乘舟偏重其可行乎移左
置右其偏一也明此則可行矣章默然未荅公復曰
上方虛心以待公公必有以副上意者敢問將欲施
行之叙以何事爲先何事爲後何事當緩何事當急
誰爲君子誰爲小人諒有素定之論章竚思良久曰
司馬光姦邪所當先辨無急於此公曰相公誤矣此
猶欲平舟勢而移左以置右也果然將失天下之望
矣章厲色視公曰光輔母后獨宰政柄不纂紹先烈

肆意大改成緒悞國如此非姦邪而何公曰不察其
心而疑其迹則不爲無罪若遂以爲姦邪而欲大改
其已行則悞國益甚矣乃爲之極論熙豐元祐之事
以爲元豐之政多異熙寧則先志固已變而行之温
公不明先志而用母改子之說行之太遽所以紛紛
至於今日爲今之計唯當絕臣下之私情融祖宗之
善意消朋黨持中道庶乎可以救弊若又以熙豐元
祐爲說無以厭服公論恐紛紛未艾也詳辨淵源議
論勁正章雖忤意亦頗驚異遂有兼取元祐之語畱
公共飯而別章到闕召公爲太學博士公聞其與蔡

卞方合知必害於正論遂以婚嫁為辭久乃赴官於

是三年不遷

陳忠肅公遺事

哲宗以冲幼踐阼宣仁同政初年召用馬呂諸賢罷

青苗復常平登俊良闢言路天下人心翕然向治而

元祐之政庶幾仁宗奈何熙豐舊姦屏去未盡已而

媒孽復用卒假紹述之言務反前政報復善良馴致

禍興君子盡斥而宋政益敝矣吁可惜哉

宋史哲宗本紀贊

宋中葉之禍章蔡首惡趙良嗣厲階然哲宗之崩微

宗未立惇謂其輕佻不可以君天下遼天祚之凶張

覺舉平州來歸良嗣以為納之失信於金必啓外侮

使二人之計行宋不立徽宗不納張覺金雖強何彙
以伐宋哉以是知事變之來雖小人亦能知之而君
子有所不能制也宣政之爲宋承熙豐紹聖祿喪之
餘而徽宗又躬蹈二事之弊鮮不亾者故特著以爲

戒

宋史徽宗
本紀贊

崇寧元年五月詔籍元祐元符黨人發明日黨人之
禍其來尙矣自漢立黨錮而正士擯斥唐立黨禁而
君子潛藏然皆不過數世而天下隨滅何也蓋正人
國之元氣元氣遏絕國能久乎宋自仁宗寶元元年
詔戒百官朋黨慶歷四年詔戒朋黨相訐其端雖起

於仁宗然亦戒之之意非籍之之意也徽宗卽位纔
二年詔籍元祐元符黨人則其見惑小人而浸不克
終之意可見矣天下何由而治乎是時羣邪肆虐罔
敢誰何獨陸佃一言以抹之其禍少息見忤朋邪遂
爲罷出可勝惜哉 崇寧二年九月令州縣立黨人
碑發明曰小人之疾忌至此極矣徽宗之昏庸至此
甚矣朱子曰於天下之事有可否則斷以公道而勿
率於內顧偏聽之私於天下之議有從違則開以誠
心而勿誤以陽開陰闔之計則庶乎德業盛大表裏
光明中外遠邇心悅誠服前立黨人碑於端禮門又

詔黨人子弟毋得至闕下此令州縣立黨人碑畧無
一毫矜恕之意黨人何負于國而疾之深耶 崇寧
三年六月重定黨人刻石朝堂發明曰重定者不宜
定也惡已甚也宋之所謂黨人者皆一時之君子既
非有蠹政害民之事又非有挾私報怨之愆何以謂
之黨人而疾之之深耶蓋君子有朋而無黨小人有
黨而無朋然反以君子爲黨者非公平正大之事也
良由小人之心欲陷君子而難其名必目之爲黨人
則濟濟多士皆罹網中而小人之私意方迷耳殊不知
正人天地之紀伐天地之紀則國未有不敗亡者

徽宗苟能知此悔過自新可也夫何沈溺於豫弗克
稍悟惜哉廣義曰小人之害君子直欲其聲銷影沈
沒世無聞然後已然而諸賢流芳百世蔡京遺臭萬
年者其皆出於此乎嗚呼君子小人義利之間學者
不可不辨之早而決之力也 崇寧五年正月毀黨
人碑復謫者仕籍發明曰徽宗因星變而能詔求直
言毀黨人碑則庶幾有敬天聽言之意矣故夫除黨
人父子兄弟之禁還上書流人徙元祐黨人於近地
毀黨人碑皆所以予其悔悟之心也古之聖賢不貴
無過而貴改過者其以此耳徽宗苟能自是一新舊

染遷善戒惡則何天變不消而民心不得哉借其求
言未幾而罷求直言戒心未形而邪侈復作此其所
以終于悖亂而不救也廣義曰詔求直言因星變也
半夜毀碑畏蔡京也婦制其夫家道不可成臣制其
君國體不可立易曰與說復夫妻反目此之謂歟

目

張洵元祐更化論曰神宗崩哲宗卽位召程顥爲宗
正寺丞未至而卒朝野哀傷元祐元年秋九月河內
公司馬光卒三年冬十二月蜀公范鎮卒四年春二
月東平公呂公著卒則老成幾盡矣詩不云乎人之

云亡邦國殄瘁孔子歿魯哀公誅之感然於天之不
適一老元祐之初羣賢彙征天下望治元德先逝澄
清安託然而聖政日新庶務畢舉者以宣仁太后在
上也宣仁故高瓊曾孫光憲曾太后少鞠之宮中命
配英宗生神宗及岐王顥嘉王顥神宗不豫邢恕蔡
確屬意二王太后獨決延安之命不立愛子而立嫡
孫要爲天下萬世計爾神宗在穎邸時孝友好學一
卽尊位敬相求賢勵精三代旣傾心王安石創行新
法徬徨民瘼惟恐不當靈州永樂之役臨朝痛哭哀
食並廢竟憂悸疾崩人君之不壽也或以聲色崩或

以逸遊崩或以餌金石惑神怪崩獨神宗以想望太平求治不得而崩新法爲害其可一朝居乎銳然更始與物維新慈母垂簾之化固孝子山陵之志也一聽政而罷京城邏卒及免行錢廢滄河司蠲逋賦未幾而府界三路保甲罷沅州增修堡砦罷矣方田罷市易罷保馬罷後苑作院罷增直鑄錢監罷成都權茶場罷王氏經義字說禁矣熙河經制財用司罷青苗法罷矣一聽政而貶吳居厚呂嘉問與邢恕未幾而章惇免韓縝免張璪免李清臣免李憲王中正宋用臣石得一黜矣范子淵陸師閔貶鄧綰李定放呂

惠卿蔡確安置矣欲任賢也必先去邪邪一去賢未有不任也欲興利也必先除害害一除利未有不興也其爲政也簡其操術也獨三章之約漢高稱仁四凶之誅虞舜垂哲千載極治於宣仁僅見爾或疑人情善反道貴包荒紹聖元符之禍激成於元祐使少從容可幸無變不知陰陽並立陽常不勝一陰五陽君子猶懼况其雜也呂大防范純仁稍議調停而楊畏李清臣卽起而乘之宜邪正兼用宣仁先寡稟也夫

又宣仁之誣論曰宋代稱治莫盛于元祐爲之主者

宣仁高太后也神宗卽位變更法制后時以皇太后
居寶慈宮嘗流涕語帝憂王安石亂天下帝崩始同
哲宗聽政海內乂安或謂神宗子也宣仁母也子行
不順教誨惟母熙豐之間羣小馳騫宣仁曷不勸帝
早遠佞人守成憲亂而後改事乃多矣然女主垂簾
國家所諱哲宗十歲孩童無知六皇太后慮深社稷
不得已而朝羣臣若壯子當陽政繇內出朝廷大事
豈所預聞惟神宗素志慕堯舜而所任皆驩兜太后
深官憂念未嘗不憐而泣也忽然抱孫寧堪再亂親
賢遠奸修草庶政掩吾子之非莫配天之業非求名

而爲處勞適然爾賊臣章惇輩懟憤放廢媒藥聖人
詭宣訓之辭造同文之獄是可忍也孰不可忍盡思
開寶以來太宗謀契丹仁宗困西夏君子雖進而未
盡用小人雖退而未盡舍獨至元祐九年聖政萬事
畢舉邪正分途中外晏謐委裘恭已功高數帝且先
皇大漸宰相問疾太皇太后手撫延安稱兒孝願立
爲太子黃袍密製慶祚屹然勲業如此慈愛如彼哲
宗寧無人心遽爲賊臣熒惑小宥所以歎彼昏也張
士良雜治不服向太后指天明証帝稍感悟宣仁不
廢然故號雖存紹述方銳謗騰國史南渡乃辯以上

言之則孫攻王母以下言之則臣弑其君逆賊之變
顯有莽操陰有惇卞亦何所不至哉

又洛蜀黨議論曰元祐之初正人登進程頤以崇政
殿說書召蘇軾以翰林學士召咸拔擢不次在帝左
右未幾以言論不合賈易朱光庭等劾軾胡宗愈孔
文仲顧臨等劾頤洛蜀交攻遂分二黨六七年間廢
罷不一終宣仁清明之世竟未施用海內惜之唐長
慶太和之有黨也始于李宗閔李逢吉牛僧孺惡李
德裕李紳而排之目以爲黨傾軋報復垂四十年宋
慶歷之有黨也始于賈昌朝陳執中王拱辰錢明逸

惡范仲淹富弼等而排之目以爲黨飛章詆毀一網
立盡此皆小人結約急爲身謀功名累心而恩怨日
迫明知君子有益于國而深畏其不利于己是以背
公論聚死黨奮發橫溢而不顧也軾與頤合志同方
出處不異熙豐之際或堅卧山林或放逐湖海一朝
遇主攜手偕行方冀其一心奉公更化善政司馬光
未竟之業諸賢力贊其成而口語參商攻訐競起初
不聞有國家大政爭若新法仕塗抵牾怨若牛李也
右頤者詆軾曰謗訕右軾者詆頤曰矯激在兩賢本
無罪可指而言路亦非積憾爲讎特以師友各地辭

色不下嘲侮小嫌詬誶靡已卽盈朝之上書猶家人
之室鬪耳迨章惇蔡京專國反政頤軾之徒貶竄接
路端門之碑姓名並列此固向所攘臂勃谿忿詢角
立者小人斥爲一黨而並擊之治世不同福亂世則
同禍諸賢當此亦當自悔其藩籬之不固而水火之
必傷也漢桓帝時周福房植有名當朝鄉人輿誦賓
客譏掄亦學舍戲言耳宦官借之卽來告變而捕鈎
黨頤軾之爭不開滅否而黨議卽興劉摯梁燾王巖
叟劉安世等超然評論亦稱嘲黨與之鼎立始以相
爭者爲黨旣則不爭者亦爲黨小人之害君子張而

全不盡錄卷一百四十三
大之惟恐其黨名之不著迫而乘之又惟恐其黨燬
之不成也朱浮有言凡舉事無爲親厚者所痛而爲
見讎者所快洛蜀之議呂公著等所痛章惇等所快
也文章理學百代共師而其燃豆泣隙生氣類無黨
之凶反甚于有黨元祐君子之失未有大于此者况
呂大防復招楊畏而使入乎

又紹述論曰紹述之論發于楊畏李清臣此固小人
之靡也畏幼孤好學立志經術事親有孝名猥爲王
安石呂惠卿所知力尊邪學司馬光入洛畏懼得罪
面進諂言光堯而旋謗之且始附呂大防攻劉摯後

卽背大防始附蘇轍攻范純仁後卽背轍反譎性生
彼亦自謂跡在元祐心在熙寧也清臣博學盛名韓
琦以兄之子妻之歐陽修壯其文比之蘇軾乃怙才
躁進覬望相位紹聖策士議主紹述國是遂變此兩
人者初喜聲譽交君子令循節無改不失令士迫切
求用竟甘戎首鄙夫患失良可畏也元祐八年宣仁
甫崩哲宗親政卽召內侍劉瑗等十人復職君心不
正君子見微而憂小人知著而喜改元以前大防等
罷章惇等進一二月間勢已燎原其後竄正人廢母
后誣宣仁于在天貶故老于九京唯日亟亟日此神

考志也抑思宣仁太后神考之母司馬光呂公著諸臣先朝所遺爲人子者誣先帝之母遂先帝之臣不孝莫大焉藝祖創法歷世長治安石惠卿變夏啓亂神考喪疾嘗心痛之元祐欲復祖宗之法不得不罪變法之人蓋復法者其本志而去小人者其餘也紹聖欲罪復法之人則託言紹神宗之政蓋去君子者其本志而紹述者其名也蔡確起大獄王韶取熙河章惇開五溪沈起授交管徐禧种諤造西事以至吳居厚鐵冶劉定保甲王子京蹇周輔茶鹽李稷陸師閔市易咸附麗王呂割剝天下卽彼羣奸何嘗不心

知其非而黨與既成富貴念急反辱塗面闕堂而起
變法者塗炭海內稱爲元功復法者惠懷兆庶詆爲
罪府毋蓋子失而謂之歸過于君臣行君令而謂之
毀謗不道務反公議以快驅除大防等復察奸不密
自破籬籬一人操戈舉朝喪氣九年聖政敗于須臾
邦國殄瘁末如何已然楊畏進于元豐顯于元祐遷
于紹聖徒號三變不免惇怒清臣謀相不得惇亦惡
之狂婦遮呼劾罷不起賊臣先驅潰閑無補才人智
士尤戒失身從橫之學寧足慕哉

又孟后廢復論曰宋代冊后哲宗孟氏儀文尤備宣

仁欽聖教誨宮中宰執大臣典司六禮文德親冊賀
有賢助劉御侍卽明豔才藝善順兩宮帝與后亦未
有間也撤坐生怨禱祠興獄皆賊惇與郝隨構之時
太皇太后已崩四年矣羣奸紹述欲行誣謗亟發難
於孟后其事以仁宗廢郭后爲辭而無將之謀視呂
夷簡閻文應尤加惡焉然孟后廢於紹聖之三年劉
后立於元符之二年帝雖寵婕妤好尙畏人言久乃正
位使當廢后時廷有諍臣華陽之貶庶適阻乎無如
舉朝皆惇黨何也惇等附婕妤好謀廢后先摭范祖禹
劉安世向日乳媪之諫指爲詆斥鼠之遠方鉗天下

口孟后既廢元祐諸臣死者奪官生者流貶同文獄
起上誣宣仁海內謂之堯舜賊臣比以呂武哆侈南
箕天地晦冥苟不佐剛卽稱善士孰知父母有過號
泣三諫之義哉鄒浩仗義批鱗立逐新州王同爲泊
南寒遠詣詔獄網羅之密幾不容世有樂公然究之
非帝意也皇城擄掠孟后獄成董敦逸附會奏牘猶
爲呼冤帝不加罪浩疏停婕妤冊禮亦從容與辨未
嘗怒阿帝豈憾后者哉憾后者章惇也宣仁功造王
室而幾夷庶人則不孫神宗父道可改而反益其量
則不子九年善政而自毀成勞則不君孟氏賢淑而

廢居瑤華則不夫無道之名受者哲宗行者惇黨天子不自爲而大臣代之爲下快其私上蒙其惡是謂極愚耳徽宗初立追先帝悔言復后位號蔡京等又祖惇說而廢之暗君之勢不敵賊臣宋竟以此亡嗚呼

又建中初政論曰神宗十四子八王早薨惟哲宗與申王必端王佖莘王侯簡王似睦王偲在哲宗崩無子申王以目疾不得立章惇屬意簡王向太后不聽而端王正位是爲徽宗竟喪天下設建辟之時朝議從惇端王不帝宋可無敗乎然觀卽位之初詔求直

言龔夫陳瓘鄒浩任伯雨等並列諫職尊孟后錄忠
舊而蔡卞邢恕章惇蔡京安惇蹇序辰諸賊以次貶
罷帝非不可爲善者也神宗有堯舜之資王安石呂
惠卿相之而熙豐醜亂哲宗非有終之主司馬光呂
公著佐之而元祐稱治一人在上豈能獨理助其成
者二三執政爾申端諸王才皆伯仲無大過人者幸
而端王之立斷出太后賊臣不得攘功帝亦有憾於
惇急收公論奮其廟除一年之內獲睹清明若立申
王惇將以蓋世之惡挾定策之勲銳精紹述害政殺
人必又甚焉欲如建中靖國其可得歟太皇太后親

立哲宗邢恕蔡確猶欲誣以廢立自矜推戴章惇祖
之圖爲霍光其謀不成社稷福也豈容以商辛後日
之惡追非太史立嫡之諍乎帝初立時曾布叱惇極
前位定帝遂惡惇而德布不知布之姦深猶惇也明
年改元而邪正雜來蔡京旣入而小人專用去一惇
進百惇亂數究矣太皇太后聽政九年至元祐八年
崩向太后聽政六月至建中元年崩二后殂落之時
卽奸臣變法之日自古慮國家者患女主而宋之亂
反以無女主故又世運一異也

以上馮琦宋史紀事本末

按元祐黨籍或謂之元祐黨人或謂之元祐姦黨

今題元祐黨籍者据南宋翻本之額也此碑之刻
凡三次崇寧元年蔡京與其黨強沒明葉夢得籍
司馬光文彥博等一百二十人等其罪狀徽宗御
書刻于端禮門者一也二年令州縣立黨人碑則
京自書之者二也三年重定黨人刻石朝堂凡三
百九人者三也不著何人所書李燾長編亦以爲
徽宗御書刻于文德殿門東壁又詔京書之以頒
天下是徽宗御書本有二本至五年星變毀朝堂
石刻其外處亦令除毀故所謂百二十人者世無
傳本三百九人者御書碑亦無傳惟蔡京書以頒

行者昶家所藏一靜江饒跋本一融縣沈跋本不
惟兩碑互校有人數姓名之不同卽取柯氏宋史
新編馮氏宋史紀事本末邵氏元史類編薛氏宋
元資治通鑑近時畢氏續資治通鑑諸書互校又
各不同或傳刻有異或碑經翻刻不能無訛今以
饒本爲主饒本有誤則取沈本仍注異文於姓名
之下以脩忝攷至姓名次序與諸書不同今旣錄
碑自宜從碑不復更正仍附注之三百九人事蹟
莫備于龔頤正之列傳譜述一百卷所闕者祇四
人蓋龔氏時去北宋不遠文獻有徵採輯尙易而

其書已不可得見又宋史藝文志載三朝正論二

卷曾布撰黨人記一卷蔡京撰熙符祐本末十卷

龔敦撰文獻通考載曾布手記三卷曾布撰晁氏

曰紹聖初元祐黨禍起布知公論所在故對上之

語多持兩端又輒增損以著此書邵氏辨誣一卷

宋志作十卷邵伯溫撰晁氏曰辨蔡卞章惇邢恕誣宣

仁欲廢哲宗立徐邸事傳信錄十卷鮮于綽撰晁

氏曰言國朝雜事多元豐後朝廷政事得失人物

賢否已上諸書皆可與黨籍蔡籍互證惜皆亡佚

矣又元祐黨人碑考一卷明海瑞撰見四庫全書

存目惟 國朝徐賓撰歷代黨鑑五卷內有洛蜀
朔三黨及元祐黨籍可資攷證錄入四庫全書元
祐黨籍之由始于王安石呂惠卿潰敗于章惇再
糜爛于蔡京蔡卞羣姦附之馴致童貫王黼之徒
牽引用事其間遷謫株連諸人之載入正史者不
過宰執待制以上若干人其餘不載于史者則仍
取兩宋叢書彙爲元祐黨籍碑姓名攷約計一百
四十二人闕者百六十七人攷章惇在相位七年
爲言官任伯雨劾之貶雷州司戶叅軍尋徙睦州
而死京爲相二十四年至宣和七年與子攸爭權

帝亦厭薄之乃勒令致仕是冬太學生陳東上書
請誅京等又一年京竄儋州道死攸亦伏誅然忠
良俱盡我嘗查彰遂有五國城之痛計距崇寧初
立碑祇二十五年爾夫陰陽邪正之氣如冰炭之
不相容薰蕕之不同器故仁者能好人必能惡人
間或使貪使詐權宜應用亦必不可置之心腹肘
腋之地以滋後患記稱惟仁人放流之迸諸四夷
不與同中國詩則極之於投畀豺虎豺虎不食者
此也君子公正爲心羣而不黨其於正人端士則
同聲相應同氣相求各從其類乃順天道之自然

間有學問偶殊性情稍異而以公義相取爲海內
吹爐善類爲國家愛惜賢才其於小人則去之務
盡亦祇上以爲國下以爲民必無肆其機械滋其
荼毒而鄉愿之徒乃欲姑息調停以自溷于庸惡
陋劣豈聖賢激濁揚清之訓哉漢之宵小以黨錮
阨甘陵而漢亡唐之末造以白馬定清流而唐滅
宋初邪正互爲勝負所以尙爲盛世及至元祐黨
籍出而北宋亡慶元黨禁出而南宋亦亡明季東
林復社之禍起而亦漸改革是皆以朋黨爲羅織
傾陷之實真千秋之大誡也自來論此碑者著作

凡數種議論凡數萬言莫不執手而嘗咋舌而嘆
者今不能悉載撮其大畧跋之至于碑末附王珪
章惇其時晦盲否塞固是日非轉以大姦竄入其
中擣聲紫色不足深論也

金石萃編卷一百四十五終